

DOMINICI  
LUDOVICI  
E SOCIETATE JESU  
CARMINA,  
ET  
INSCRIPTIONES.  
OPUS POSTHUMUM  
PARS ALTERA.



NEAPOLI, MDCC XLVI.  
APUD PETRUM PALUMBUM.  
SUPERIORUM PERMISSU.







DOMINICI LUDOVICI  
C A R M I N U M  
L I B E R I V.

HEROICA, ECLOGÆ, PROLUSIONES,  
MODESTISSIMÆ VIRGINI DEI PARENTI

C A R M E N I.



T me plectra juvant : sunt & mihi car-  
mina : quamquam

Prima meæ sunt hæc tenuis molimina mu-  
sæ,

Pimpleosque lares , Phœbeumque advena  
limen

Ingredior ; libet exfortem decerpere laurum,

Furtivaque chely properatum effundere carmen. (a)

A 3

Virgi:

(a) Carmen hoc paucis diebus , subseciva , & vicaria  
opera , ab Authore elucubratum fuit .

Virgineis etenim quando hic sunt omnia plena  
 Auspiciis, festusque aëscultat vocibus æther,  
 Ah! pudor est, tacita Vates cessare sub umbra,  
 Ingratoque diu segnes trahere otia Pindo.

Tu mihi, seu Cælo miserans nos respicis alto,  
 Seu nostras, ut quondam, ædes, tua tecta, revisis  
 Aligerum stipante choro, tu Diva, canenti  
 Quæ caneris, præsens ades o; tibi noster Apollo  
 Sudat, & obsequio sibi demeruisse Parentem  
 Gaudet ovans. Tua si jamdudum festa quotannis  
 Suppliciter læti, sacram celebramus ad aram,  
 Votaque, spemque tibi generis, primæque juventæ [a]  
 Tempora, crescentesque tuis penetralibus annos  
 Sacramus, Dominamque ultro, Matremque vocamus,  
 Huc ades o, numerisque fave: tua carmine Vates  
 Munera, Præsidii tui primordia pandit  
 Summa sequens rerum vestigia; quo calor aut has,  
 Aut has in partes animum rapit usque sequentem.  
 Nam neque consuetis Phœbeam legibus artem  
 Cura premat vincire: modus mihi carminis esto  
 Lætitiæ nescire modum. Vix prima per orbem  
 Signa, acheronteis late agnoscenda ruinis,  
 Extulerat, fociamque manum ad nova bella vocarat  
 Agmen agens Lojola; suos cum lætus in omnem  
 Europamque, Asiamque videt, disiectaque longe  
 Litora diffundi. Gaudet felicibus orsis,  
 Et mansura diu, multosque habitura triumphos  
 Castra animo secum reputat: modo cœpta secundet  
 Auspicio Superum favor; & quæ plurima contra  
 Invidia infelix Erebi fociata catervis  
 Arma parat, vano jubeat cadere irrita nisu.

Hæc

(a) In Collegii Neapolitani S. J. Ephebeo, ubi Juniores  
 Rhetoricis, & Philosophis disciplinis imbuuntur, Sacellum  
 est Modestissimæ Virgini sacrum: indidusque quotannis  
 festus dies.

Hæc tacito volvens animo speratque, timetque  
 Anxius : at solitum Jessæ Matris amorem  
 Corde memor repetens, spondet meliora, suamque  
 Spem foveat; atque illam supplex ita voce precatur :

Alma parens Jessæ, potens cui Numen, olympi  
 Sidera, tartareasque domos, terrasque jacentes  
 Subdidit, unde audis hominum Regina, Polique,  
 Tu bona crescentem hanc sobolem, tua pignora, præsens,  
 Respice : nempe tui numquam fiducia nobis  
 Cesserit auxilii : tibi enim, tibi Diva sacravi  
 Meque, meosque : tua est, tibi se debere fatetur  
 Lecta cohors, cui prima tuo eunabula monte,  
 Natalisque dies, faustumque voventibus omen.  
 Tu leges, memini; Tu nostræ insignia Genti,  
 Tu Gnati Nomenque tui, Numenque dedisti.  
 Ergo ades o, facilemque animum, maternaque profer  
 Pectora, maternoque sinu tege, Diva, rogantes:  
 Vindice te, noceat rerum vis nulla, superbæ  
 Nulla stygis: fractæ cedent iræque, minæque,  
 Et conjuratæ socios disperdere fraudes.

Talia fundebat supplex, cum dia repente  
 Lux oculis objecta, nova dulcedine, mentem  
 Persudit. Ceu cum, discussis nubibus, aureum  
 Exorrens Phœbus tollit jubar; aere venti  
 Abscessere: jacent posito placida æquora fluctu.

Namque olli superum sese Regina videndam  
 Obtulit: huic rutilum toto se corpore vestis  
 Induit in solem; puris argentea plantis  
 Gaudet Luna premi; lambunt radiantia circum  
 Astra comas. Lateri assistunt, socia agmina, Divæ,  
 Relligio, & quæ compositos Philocosmia vultus [a]  
 Semper amat, semper similes in pectore mores,

A 4

Atque

---

[a] *Philocosmiam* hîc *Modestiam* intellige, græco nempe ex fonte: ut mox *Areten*, *Virtutem*; *Agapen*, *Caritatem*; *Agnam*, *Cassitatem*.

Atque Arete, atque Agape, & multos Agnoea pudoris.

Tum sic orantem Virgo est affata: Quod optas,  
Pone metum Lojola, feres securus, opemque  
Usque meam tua progenies, mea maxima cura,  
Sentiet, haud ullis umquam cessura periclis;  
Sæviat invidia indignans licet, aut Acherontis  
Conjuret rabies. Quin & per damna, per hostes  
Sumet opes victrix; & qualis plena secundum  
Flumina confurgit ramis felicibus arbor  
Ipsis ventorum, atque hiemis firmata procellis.  
Omnibus ipsa locis adero: tum si qua minantur  
Adversos olim rerum discrimina casus,  
In melius referam. Sed quo tibi nostra voluntas  
Clarius, & maternus amor; quæ plurima sensus  
Impedit humanos, & circumfusa fatigat,  
Jam nubem eripio indulgens: En aspice, quæ te,  
Quæque tuam tuto foveat custodia Gentem:  
His oculis, his inquam oculis tua pignora servo  
Cara mihi ante alios. Dixit, blandumque latentem  
Conspiciamque simul gemino sub lumine prolem  
Miranti ostendit, puraque in luce reclusit  
Ordine quemque suo ventura in sæcla Nepotes,  
Omnes Lojolidas, patriis virtutibus omnes  
Egregios, & quot numero comprehendere non est.  
Quem qui nosse cupit, liquidi cupit ætheris idem  
Discere quam multis rutilent splendoribus ignes;  
Aut ubi vere novo jam mitior incipit annus,  
Nosse quot hyblæo veniant e germine flores.

Obstupuit visu Pater, obtutuque laborat  
Expleri, captamque alta dulcedine mentem  
Vix capit ipse suam; nec jam venientia pectus  
Sæcla movent, nec visa movent socia agmina tantum,  
Quantum in Jessæ auspicio, curaue moratur;  
Grataturque sibi, Sociis gratatur: ibi omnis  
Corde metus procul abscessit, lætusque precatur.  
O, si perpetuam hanc nobis, tua lumina, sedem  
Esse velis, Regina; tuo si Numine firmes

Spem

Spem Generis: Precor; & , votum ni despicias, opto.  
Nec plura his: nam Virgo: Feres optata, quid ultra  
Indubitas? immo hoc certi sit pignus amoris;  
Gens tua perpetuas tali pro munere grates  
Perfolvet memor, atque oculis indicet honorem  
Læta meis, festumque diem, & renovanda quotannis  
Sacra; dabit sacris Jæssa modestia nomen:  
Sed morem tamen hunc jubeo servare minores  
Sollemnem, propriumque sibi: Rem sedula curet  
Relligio. Simul hæc, simul interfata, micanti  
Lucem nube premens, patrio sublimis olympo  
Se tulit; & qualem vernantia lilia fundunt,  
Lilia, sive rosæ, divinum afflavit odorem.

Lojolæ interea, mælia inter gaudia, motus  
Mens agitat placidos; & nunc felicia secum  
Fata suæ gentis recolit, sortemque beatam,  
Nunc oculos, Jæssa, tuos, habitumque, decoremque,  
Et vultus faciles, visaque in imagine tota est.  
Præcipue tamen illa animo præstanda recurant  
Jussaque, sollemnisque dies: quo tempore, quove  
Sacra loco statuatur. Sed curam his demere dictis  
Relligio aggreditur: Mecum est labor iste, meique  
Pars operis, teque ipsa locum, tempusque docebo.  
Litus ad Euboicum, clara Sirenis in urbe  
Tecta tuæ surgunt Soboli, Domus alta, virisque  
Digna coli, sibi quos Pietas, atque ardua Virtus  
Ascripsit; juvenes ubi prima ætate, labore  
Ingenuo exercet Pallas, docta que palæstra.  
Civilesque docens cultus, atque indole dignos  
Egria, faciles juvenili in pectore mores  
Fingit agens, rebusque animos majoribus aptat.  
Hic sacra festiva celebrabimus annua pompa:  
Hoc velit ipsa Parens: neque enim domus altera cultu  
Virgineo major, nec gratior altera surgit  
Parthenidis Nato, & Partheniæ Genitrici.  
Hæstenus illa, manumque operi, mentemque ministrat.

Est

Est locus, interiore domus in parte reducta (a)  
 Seclusus, nulli quo gressum inferre potestas.  
 Certa datur, tecti nisi queis est pervius usus.  
 Intus tuta quies, clauso ceu floribus horto,  
 Externos arcet fremitus: tum limina servat  
 Cura vigil, variusque labor, spesque alta futuri.  
 Hanc sibi Religio sedem magis omnibus unam  
 Optavitque, suisque volens addixit alumnis;  
 Qua studio, rebusque vacent cælestibus, & qua  
 Assuecant, curis procul, exercere juventam.  
 Id reputans, ne forte animos, ne forte remittant  
 Aut honor, aut rerum illecebræ; postquam omine fausto  
 Prima alacres posuere novæ fundamina vitæ.  
 Haud aliter, quam qui vites a matre recentes  
 ( Aut Baccho, aut lætis olim libamina mensis )  
 In vacuos, actis paullum radicibus, agros  
 Digessere; locum similem multo ante requirunt;  
 Ne mutata suas ignorent semina glebas,  
 Degeneresque bibant succos, oblita priores.

Ergo hæc prima domus, primi de more penates  
 Sunt Jævenum; donec perfecto temporis orbe  
 Egressi, ( neque enim plus quarta hîc ducitur ætas )  
 Huc mittantur, & huc, jussi contendere cursum  
 Quo vocat exercenda animo, studiisque juvenus.  
 Interea, quod cuique datum est, sua munera quisque  
 Lætus obit: pars Aonios accedere fontes,  
 Musarumque choros gaudet; pars docta Lycei  
 Limina, & arcanos Naturæ intrare recessus,  
 Sideraque, æthereasque vias, numerosque referre.  
 Hinc generis bona spes; prima hinc præfagia: at illa  
 Non segnes operi incumbunt: labor omnibus unus,  
 Una quies, certisque agitant sub legibus ævum.  
 Ductores addunt animos, laudantque, foventque,

Inten-

---

[a] *Ephebeum Collegii Neapolitani describitur, quo juniores & Tirocinio demigrant ad religiosa litterarum studia.*



Intentos studio Juvenes : cognata ministrat  
Laus animos , veterumque acuunt exempla sequentum  
Pectora , cumque ipsis crescunt virtutibus anni .

Hæc adyta , hæc secreta domus penetralia Matri,  
Jessæ Matri , cultu opportuna dicantur .

Hic ex more diem , tanto pro munere , sacrum  
Religio jubet institui , quem læta juvenus  
Ipsa colat , meritosque frequens instauret honores .  
Hic ædem , atque extructa suis altaria donis ,  
Effigiemque , ubi dia Parens in imagine vultus  
Ostendatque , tegatque , oculos demissa , pudoris  
Virginei decus : unde suos componere pubes  
Ediscat ; referantque , solo dejecta , Parentem  
Lumina , sed superis animus se immisceat astris .  
Ex illo servatus honos , atque annua sacris  
Dicta dies , plaususque hilares , sollemniaque aris  
Munera , & inscripti Jessæo Nomine postes .

Salve festa dies , Cælo quæ candida semper  
Affulges nobis , & eris quæ candida semper :  
Nam neque Phœbeæ lucisque & laudis egentem  
Optantemque suos videat te Phosphorus ortus ;  
Luce nites meliore , suo quam Numine Virgo ,  
Luminibusque refert ; geminoque a sole coruscas  
Purior , & metuis nullas formosior umbras .  
At nos interea , tangunt quos gaudia , quosque  
Matris amor stimulis ultro non mollibus urget ,  
Te prece , te votis positam celebramus ad aram ,  
Testamurque hilari propria hæc sollemnia cultu ;  
Turaque , festivosque ignes , & florea festa  
Addimus , & memores , si qua est ea pompa , Camenas .  
Tuque adeo nostræ decus , & tutela juventæ  
Mitis ades Regina , tuosque assueta vocari  
Huc faciles , huc flecte oculos , faustissima nobis  
Sidera ; quoque homines cultu , Cælumque serenas  
Aspice nos : tua cura sumus : tibi sacra , tuoque  
Auspicio Soboles ; crescens ceu silva , sub auras  
Tollitur , ac tuta Matris se protegit umbra .

Et nunc illa quidem tacito sub pectore secum  
 Vota fovet, votisque ipsos prævertitur annos.  
 Tempus io, jam tempus erit, cum clara suorum  
 Factaque, virtutesque Patrum, laudesque secuta,  
 Te duce, quos populos, quas non lustraverit urbes!  
 Jესumque ferens ignota per oppida nomen  
 Incendet late flammis Cælestibus Orbem.

## S. ALOISIO GONZAGAE

POST EXORATUM FERDINANDUM PARENTEM  
 SOCIETATEM JESU INEUNTI.

## C A R M E N II.

Gonzagæ devota dies, quæ candida nobis  
 Usque redis, tecumque pio sollemnia cultu;  
 Lætitiæque refers, o si sperata referres  
 Gaudia, quæ tandem sedatis motibus affert  
 Aurea pax nimium nostris e finibus exul!  
 Scilicet illa hominum multo jam tempore mores,  
 Aut pertæsa leves, aut averſata superbos.  
 Invida nempe diu miſeras diſcordia terras  
 Bella ferens agitat, cæcasque accendit in iras,  
 Incertisque trahens ſtudia in contraria votis,  
 Huc animos, atque huc animos impellit, & omnem  
 Turbat agens propriis periturum viribus Orbem.  
 Ecquis erit modus inceptis? numquam-ne timendi  
 Finis erit? numquam in melius mutata reducent  
 Sæcula compoſitis antiquum curſibus aurum?  
 Me vero curis procul, & diſcordibus armis  
 Ire juvat, ſactos Vati, qua Pimpla recessus  
 Pandit, & Aonios fontes, aulamque recludit,  
 Exfortemque manu facili dat carpere laurum.  
 At quis erit citharæ primus labor? o ades ingens  
 Gonzaga, & pavidis præſens allabere cœptis.

Non

Non alium optarim mihi nunc in carmina Phœbum,  
 Non Musas : mihi tu Phœbei Numinis instar  
 Dive aderis , Vatique dabis tua dicere facta :  
 Ut fluxas jam victor opes contempseris , utque  
 Te major , Mundique vices , fraudesque , dolosque ,  
 Et qui nequicquam titulos , fascesque superbos  
 Ingentesque atavum palmas prætendit , Honorem  
 Viceris , averisque animum Genitoris , & artes ;  
 Atque sacris tandem addideris tua nomina Castris  
 Jessæ auspicio Lojolæ signa secutus .

Postquam Regali visum est discedere ab Aula , (a)

Et patrias gressu reduci pervenit ad oras  
 Loisides ( revocant cari nam jussa Parentis )  
 Diversas tacito volvit sub pectore curas .  
 Namque subit mentem , Cælo quod nuper ab alto  
 Dum sibi Relligio divinum inspirat amorem ,  
 Senserat . Illa Polo juvenem jam destinat , & jam  
 Fluxas Orbis opes , fastusque , & limina Regum  
 Deseruisse jubet ; sacramque ad Numinis aram  
 Seque , suasque Deo spes firmo sistere voto .  
 Ipse quidem æthereos dudum conceperat ignes ,  
 Optabatque diu , sceptroque aulaque relictis ,  
 Signa sequi , victor quæ jam Lojola per Orbem  
 Tollebat stygiis late agnoscenda ruinis .  
 Hoc Superos rogat , atque hoc te Jessæ reposcit  
 Pronus humi : hæc animum non mollis cura fatigat  
 Acrius ; at non spe cupientem fallit inani .  
 Multa memor repetit vitæ haud obscura futuræ  
 Signa , movente Deo ; queis ad meliora vocabat  
 Auspicia , & facili spondebat numine dextram .

Hic oculis sese objecit mirabile visu

Monstrum , quo Superos sibi jam Gonzaga secundos,  
 Præsentisque videt ; dio dum concitus cæstro

Vim

---

(a) Plures annos S. Aloisius inter honorarios Hispania-  
 rum Principis Ephebos traduxerat .

Vim blandam precibus Cælo admovet . Ille ubi cunctos  
 Somnus habet, tacitus patrii sublimia tecti  
 Alta nocte petit solus loca : tum super auream  
 Stella facem ducens , rutilasque ex æthere flammæ  
 Astitit, orantique , suo ter lumine cinxit  
 Lapsa comas ; celerique micans per inane recursum  
 Signavitque viam levis, & se immiscuit astris.

Obstupuit visu Juvenis : simul omine firmat  
 Spemque , animumque ; simul duplices ad sidera palmas  
 Tendit ; & , o quacumque poli de parte resurges ,  
 Salve o lux mihi fausta : sequar tua jussa ; sequentem  
 Vos Superi , Tuque ante alias mitissima Virgo ,  
 Cujus ego auspiciis maternaque pectora lætus  
 Agnosco, accipioque, juves, & vota secundes.

Ast aliam interea Fernandi in pectore mentem  
 Vota fovent, dudum bellis assueta Gradivi :  
 Et galeaque comas premere, & latus ense ; nec ullis  
 Cedere , sed caput impavidum obsecrare periculis.  
 Hinc sibi felices aditus parat, hinc sibi laudem,  
 Fortunamque domus, patriæque insignia Gentis .  
 Arma placent, lituique, & non ignava sequentes  
 Otia, & hostili sparsæ de sanguine cristæ .  
 Nam modo pulcher honos, & avitæ nomina famæ,  
 Sceptra modo, heroæque animo, atque antiqua recursum  
 Gesta virum, memores acuunt quæ ad magna nepotes,  
 Invitantque alacri virtutum ad culmina passu .

Ergo hunc Loissidæ Genitor designat honorem,  
 Hoc iter impavido sua per vestigia gressu :  
 Militiamque sequi jubet, & concurrere in hostem  
 Acrius, & pulchram petere inter prælia famam.  
 Namque videt, qualis juvenili in pectore virtus  
 Deliteat , quantam attollat prudentia mentem :  
 Hunc fore , multa virum postquam firmaverit ætas,  
 Qui factis Genitorem æquet , qui laudis avitæ  
 Exsuperetque modum, ferocque extendat in annos.

Hæc sibi pollicitus , ne spe frustretur, Alethem,  
 Quem Pater ante alios sibi fidum expertus, Alethem

Adjun-

Adjungit comitem; belli qui gnarus in usus  
Conformetque animum, moresque effingat; & olli  
Laudis, & armorum, paullatim inspiret amorem.

Qualis apud Peneum quondam, Chirone Magistro,  
Nobilibus studiis sese exercebat Achilles,  
Excidio cum jam Trojæ præluderet, & cum  
Fortis ad Hectoream firmaret pectora cædem.  
Et nunc ille feras jaculo, nunc ense petebat  
Cominus, aut aprum, aut fulva cervice Leonem.  
Phyllirides illum senior docet. Haud secus ibat  
Loisides fido semper comitatus Alethe.

Hic Juvenem studio paullatim incendere famæ,  
Hortarique ultro, qua sese attollere Cælo,  
Qua valeat nomen claris extendere factis.  
Sæpe Atavum insignes memorat, decora alta, triumphos,  
Et circumpictos annosa per atria vultus  
Ordine demonstrat; seu quos bella aspera, seu quos  
AEquavit merito rerum experientia Cælo.  
Nec semel his ultro compellat vocibus: Ingens  
Te Gonzaga manet victurum in sæcula nomen,  
Ni tibi, majorum oblitus, ni segnior istam  
Inideas laudem; neque enim Regalia frustra  
Testa dedit fortuna, tuos aut splendida primum  
Purpura vagitus tenero suscepit in ortu:  
Jam tum non humilem tanto sub pectore mentem  
Ingentesque animos ausis ingentibus aptans.  
I sequere o, tua quo virtus, quo te tua cursu  
Antevolans, magnoque vocat jam gloria plausu.  
Pro! quantum patriæ spiras virtutis! inertem  
Non tua te patitur dudum clarissima fama  
Progenies, nec fas: proprios ostentat honores  
Illa, viamque tibi lauro consternit, & ostro.  
His acuit Juvenem stimulis, quibus excita virtus  
AEmula præclaræ incendatur imagine Gentis,  
Majorumque premat grandi vestigia passu.  
Sic illum instituit patrias de more per artes,  
Arduaue ingentis fortunæ pondera cautus

Ferre docet , gaudensque suo de munere , ponit  
Prima rudimenta , & speratæ exordia laudis .  
Si mentem relevare juvet , curasque remittat ,  
Non animum ludi pascunt , non otia pectus :  
Lustra placent , silvæque , ferasque agitare fugaces ,  
Aut capream , aut lepores , & amantes ardua damas ,  
Surgentemque alte ramosa in cornua cervum .  
Namque leves tractare hastas , habilemque pharetram  
Ferre humeris jubet ; & Martis durare palæstra  
Corpus , & assumptis late splendescere in armis :  
Tum docet , & premere , & laxas qua fundere habenas  
Arte queat ; nutuque regat , subigatque fremmentem  
Acer equum : seu dum bello concurrere , seu dum  
Exercere diem pompa ferat usus equestri .  
Nescius ille Polo quæ stet sententia ; quasque  
Dia Pronœa alias Juvenem designet ad artes .

Jussa tamen Gonzaga facit , seque impiger alto  
Sublimem componit equo , caveamque patentem  
Ingreditur : gaudet quadrupes sessore , jubaque  
Disceutit , impatiensque artus tremit : inde ubi primum  
Insonuit virga domitor , vocemque magistri  
Audiit , assuetusque animum subit ardor , arenam  
Calce ferit sonipes , indignaturque morantem ;  
Inque vicem longos modo circumflectere cursus ,  
Carpere nunc gyro spatium brevior jubetur .  
Ille diu rigidis doctus parere lupatis  
Jam gravis incedit campo spatiatum aperto ,  
Tardaue pacato sinuat vestigia dorso ;  
Jamque celer glomeratque fugas , jussusque resistit ,  
Compositisque sonat gradibus : terit ungula crebris  
Ictibus in numerum , alternoque volumine terram .  
Inde alacer , gaudensque ipsis colludere ventis  
In dorsum incumbit levis , erectusque tenet se  
Arduus in sublime ; solo dein crura reponit ,  
Alternatque moras , rursusque assurgit in auras ,  
Turbineoque citus librat sua corpora saltu .  
Mox alios iterat cursus , aliosque recursus .

Instau-

Instaurat, varios innectens orbibus orbes.  
 Mæandri de more, vago qui tardior alveo  
 Itque, reditque, sibi que redux occurrit, & undas  
 Aspicit ipse retro venientes alter, & idem,  
 Ambiguisque vehit mirantia flumina ripis.

Interea ex alto Juvenem dum spectat Olympo  
 Relligio, curasque omnes impendit in illo,  
 Multa putans, ne forte animum, ne forte retardent  
 Aut honor, aut rerum illecebræ, petit anxia magnæ  
 Jæssæ folium, & supplex ita pectore-fatur.  
 Quæ mihi jamdudum dederas promissa roganti,  
 Ut mea Loisides premeret vestigia, cessant  
 Ah! nimium Regina; tuo nisi numine firmes  
 Vota, precesque: vides quantum obluetur, & omnem  
 Spem Pater abripiat Fernandus, & omnia tentet,  
 Quo Pueri abducat studia in contraria pectus.  
 Illum ego, ne tumido quondam Ticinus in alveo  
 Mergeret, incenso neu flamma exureret igni,  
 Bis leto eripui: primis tum semper ab annis  
 Institui, facilem informans virtute juventam.  
 Adjunctæ comites Metanœa, atque alma pudoris  
 Servatrix Agnœa: neque hæc te cura latebat,  
 Virgo; tuo quid enim nobis sine numine gestum est?  
 Nunc, rogo, tu cœpto supremam, Diva, labori  
 Imponas Regina manum: tu flecte Parentis  
 Pectora, namque potes, Juvenemque his eripe curis.

Sic memorat. Cui Virgo: Manet tibi Cara quod optas,  
 Pone metum: cernes ultro tua signa sequentem  
 Loisidem; non longe aberunt promissa; nec ultra  
 Spem dubiam, & trepido versabis pectore curas.  
 Hunc tu quamprimum [ tibi namque arcana recludam ]  
 Lojolæ socium, clarumque in nomen iturum  
 Aspicias gavisa. Brevi sed tempore vitam  
 Deferet. Hanc illi statuunt non sidera metam,  
 Sed cælestis Amor. Merita dein sede recepto  
 Centum marmoreis ponent delubra columnis,  
 Centum aras, fundentque preces, votisque vocabunt.

B

At-

Atque ubi Supremus Romana e sede Sacerdos  
 Illum inter Superos, & fortunata piorum  
 Agmina censuerit; cultumque indixerit Orbī,  
 Tum vero excitæ studiis certantibus Urbes  
 Dona ferent, laudesque simul, nomenque canentes  
 Loisidæ, octonis celebrabunt sacra diebus  
 Publica festiva testantes gaudia pompa.  
 Virginei ante alios cœtus, & læta Juventus  
 Custodem nivei, Servatoremque pudoris  
 Gonzagam agnoscent: Soliis ille inclytus aureis  
 Accipietque preces bonus, auxilioque juvabit.  
 Ipsa decus mirata, polo gaudebis ab alto.  
 At genitor, cui nunc adeo contraria surgit  
 Mens animo, in melius referet mutata repente  
 Consilia; atque ultro nati pia vota fovebit  
 Auspice me. Pietas patrium expugnabit amorem.  
 Sic ait, & Divæ vultus, mentemque serenat:  
 Ceu cum discussis per sudum nubibus, aureum  
 Exorients Phœbus tollit jubar; æquore venti  
 Abscessere; silent positæ maria alta procellis.

His dictis, ad se multis e millibus unum  
 Evocat Aligerum, præsens custodia euiæ  
 Cui data Gonzagæ, tutelaque fida; jubetque  
 Ire, reluctantemque animum Genitoris, & omnem  
 Vincere duritiem, ac meliorem immittere mentem.

Ille citus data jussa facit, noctisque per umbras  
 Haud mora, sopito tibi se, Fernande, videndum  
 Exhibet, & puerumque inter placido ore, virumque,  
 Atque hominem supra fulgens, his vocibus ultro  
 Nil mortale sonans infit: Concepta moraris  
 Gnati vota tui nimium, Fernande: Quid obstas  
 Amplius? invitone etiam pugnabis Olympo?  
 Define jam, puerumque Deo permitte vocanti,  
 Consilia in melius referens. Non fingere somnum  
 Vana putes, adsum Cælo demissus ab alto  
 Nuntius: hæc fieri mandat Regina: neque ultra  
 Cunctandum. Quin si generis te cura remordet

Fama-



Famaque, ne dubita : non te cessisse pigebit .  
 Namque tibi major lustris volventibus , inde  
 Surget honos, generisque decor : virtute Nepotis  
 Et Proavi, & toto clarescent Orbe minores,  
 Nec tua Gens alio se plus jactabit Alumno .  
 Ille quidem titulos, perituraque sceptrâ, laremque  
 Nunc refugit patrium ; plaususque exosus inanes  
 Exiguâ vitam tectis, & paupere cultu  
 Degere amat : Pro ! quantus erit cum sede receptus  
 Aetherea , meritamque tenens virtutibus arcem  
 Accipiet Divum Divis adscriptus honores .  
 Illum alacres olim populique, Urbesque reposcent  
 Damnantem votis , atque exoptata ferentem  
 Auxilia , & precibus facilem mortalibus : Illi  
 Sacraque, sollemnemque diem, ritusque dicabunt .  
 Tunc adeo hos ipsi, vana spe ductus, honores  
 Invidetas ? Nato Genitor ? Sic fatus, in auras  
 Dilabi tenues visus , penitusque recessit  
 Aliger , insuetumque domo diffudit odorem .  
 Illic excutitur somno Fernandus : at ipse  
 Visa memor secum reputans, auditaque , ibi omnes  
 Quæ prius urgebant , absterge pectore curas  
 Sentit agente Deo ; Gnatique in vota benignum  
 Inspirari animum : nec jam mortalia tanguat  
 Præmia, nec famæ tangit fugientis imago  
 Subdola, quæ dudum studia in diversa trahebat .  
 Sed bona spes, & certa fides, nec vana futuri  
 Eventus tacitum pertentant gaudia pectus .  
 Ergo mutatae melior sententia menti  
 Jam sedet , & tacitus quidam in præcordia sensus  
 Incidit , ut ros in teneras placidissimus herbas .

Parte alia interea Gonzagæ pectora motu  
 Urgentur vario : qui se tandem exitus, aut quæ  
 Spes maneat : neque enim invito Genitore licebit  
 Ferre pedem, aut tacitum patriis excedere terris .  
 Atque animi dubius pendet, ceu navita vasto  
 Aequore, cum inter se Boreæ luctantur, & Austri ,

Imperiumque maris sibi quisque affectat, & undas  
Pellunt in diversa: metum nox duplicat umbris.

Stabat culta domo tecti in penetralibus ædes  
Sacra Deo, tibi sacra, Parens Jessæ, dicarat  
Quam pietas antiqua, tuosque in imagine vultus  
Finxerat, & multo circum exornaverat auro.

Huc, sese orandi studio Gonzaga ferebat  
Supplicis os, animumque gerens, seu surgit Eoo  
Lucifer, Hesperio egreditur seu Vesper Olympo.  
Sæpe etiam Cæli medium dum candida bigis  
Luna tenet, tacitæ per amica silentia noctis  
Ocyor e stratis opera ad cælestia surgit:  
Non illum tenebræ non illum sæva retardant  
Frigora; namque animo calor est, qui frigora vincat.

Ergo hic se Juveni ante aram Jessæ videndam  
Obtulit, & clara tectum omne in luce refulsit.  
Nam rutilum hinc, atque hinc toto se corpore vestis  
Induit in Solem; puris argentea plantis  
Gaudet Luna premi; lambunt radiantia circum  
Altra comas. Tum sic dictis affata rogantem est.

Exoptata dies tibi jam, Gonzaga propinquat,  
Ne metue. Ipsa ego felicitis prænuntia fortis  
En adsum. Veniam Genitor concedet: Olympo  
Sic placitum: Nihil est ultra, quod vota retardet.  
Audè Orbis contemnere opes, & pectora Cælo  
Digna adhibe, rebusque animos majoribus apta.

Tantum effata Parens; & qualem lilia fundunt,  
Lilia, sive Rosæ, divinum afflavit odorem,  
Quo Juvenem lene adspirans perfudit; at illi  
Gestiit insolita subito dulcedine pectus,  
Excussoque metu, nova spes injecta propinquat  
Ominis; & paucis abeuntem, ac summa secantem  
Sidera prosequitur dictis: Quas dicere grates  
Quas valeam, o numquam gemitus frustrata, precesque  
Diva meas: tibi enim a puero, tibi quippe sacravi  
Quodcumque hoc vitæ. Nec plura effatus, ad ipsum  
Continuo jam non durum, jam sponte faventem

**Lætus**

Lætus adit Genitorem; & voti compos avitam  
 Deserit exultans, positis insignibus, aulam,  
 Magnanimus contemptor opum, contemptor honorum,  
 Et Lojolæis addit sua nomina Castris.

PHILIPPO V. HISPANIARUM REGI  
 NEAPOLIM ADVENIENTI.

C A R M E N III.

**E**Venere: tuis tandem jam sidera votis  
 Læta favent, cumulantque novo tua litora, Siren,  
 Auspicio. Viden' ut pacato nubila Cælo  
 Diffugiunt, referuntque suos sæcla aurea cursus?  
 Nam tibi non ultra, dudum satis invida, differt  
 Gaudia, nec retinet properantem Hispania Regem.  
 Ergo age, & optatos quando jam cernere vultus,  
 Affarique licet, claros imitata triumphos  
 Lætitia plausuque, alacri conamine pompas  
 Institue: augustis assurgant molibus arcus  
 Undique, & ingentem Populi testentur amorem.

Immo ego [namque animo subitus (a) calor incidit] orsa  
 Annuerit si Phœbus, anem per carmina plausus  
 Rite præire: juvat crines innectere lauro,  
 Plectrâ juvant: date plectrâ manu, date laurea fronti  
 Serta, Aganippeis crescunt quæ fontibus, & quæ  
 Cynthius ipse solet festis adhibere triumphis.  
 Sed quid ego aut Phœbum, aut Phœbi, dona inclyta, lau-  
 Exoptem? haud aliis præcingam tempora fertis, (ros  
 Quam quæ Borbonidum surgunt de stemmate, quæque  
 Hesperiiis dudum transmisit Sequana campis.

Vix dum Borbonides foliis exceptus, & aula  
 Cœperat Hispanas moderari victor habenas  
 Mente vigil; cum cura animo non parva recurrat,

B 3

Queis

---

[a] Triduo laboro deproperatum Carmen hoc, ut pompæ  
 festinatio flagitabat, recitavit Auctor in Aula Collegii Neapol.  
 cum doceret humaniores litteras, anno ætatis XXVI: quo  
 tempore typis vulgatum est.

L I B R I IV.

Queis opibus, quave arte suis, quæ maxima, regnis  
Consulat, & valido possit custode tueri.

Namque videt late totum digesta per Orbem  
Regna, suis parent quæ sceptris plurima, & ipsum  
Seu latus Occiduum curru, seu lustrat Eoum,  
Hispanis Phœbum subiectas cernere gentes  
Fascibus. Hinc Peruen prospectat, & Indica regna,  
Auroræ populos, & quæ rigat æquora Ganges:  
Hinc campos, Benace, tuos; magnumque fluentem  
Eridanum, & caræ fines Sirenis, & urbem;  
Trinacriamque, Tagumque, & amantes prælia Belgas.  
Hæc uni commissa sibi regna omnia, & unum  
Spectare: ipse regat, populosque, & scepra secundis  
Temperet auspiciis. Varios ergo anxia secum  
Mens agitat casus, rerumque in imagine tota est.  
Astat Avi, mentemque acuit Prudentia, molem  
Quæ regat imperii curas partita per omnes,  
Crescentemque animum studiis informet avitis.

Talia dum secum tacito Rex corde volutat,  
Aut visa est, aut ipsa viro sese obtulit ultro  
Italia, & supplex demisit lumina, vultum  
Dein leviter tollit; tum sic effata, Moraris  
Rex, ait, Hesperiaque una contentus inertem  
Te pateris? tua, si nescis, præsentia regnis  
Est opus: Italiam cernis, tua scepra? tumultu  
Ut fremat, incertoque animos discordia motu  
Concitet? ira cadet, venias modo. Dixit, & auræ  
Nulli visa levi se immiscuit. Omnia Princeps  
Corde premens reputat; nam se deposcier unum,  
Se signari animis: mora nulla, ardentior optat  
Dista sequi. Hic animum nova res oblata volentem  
Confirmat; læva Cælum nam parte serenum  
Intonuit, rimaque sinum diducere flamma  
Fulgur, & Euboico visum splendere sub axe.

Et, sequar o, quacumque poli de parte jubeſis  
Astra, viam, dixit; tanto sequar omine: vota  
Vos mea, si merui, nutu firmate secundo.

Inte-

Interea fremitu populorum excita sub auras

Fama volat totum subito vulgata per Orbem

Ocyus Hesperium, folioque, aulaque relictis

Aufoniam petere, & pelago se credere Regem;

Aptari jam vela, rates, sociosque parari.

Vota alacres duplicant populi, majorque faventum

Gliscit amor; certæque omnes jam murmura famæ

Accipiunt, redduntque; sonant circum omnia lætis

Vocibus: hinc Padus, Aufonios qui interfuit agros,

Hinc Rhodanus plaudit; socio responfat Ibero

Sequana; concentu tractim maria alta resultant.

Tu quoque Parthenope, tibi enim, tibi læta parantur

Gaudia, laurigerum Cælo caput exeris; & te

Vix capis ipsa: tuos late testantur amores

Cæruleaque, & populi reddentia litora plausus.

Exultant hilares Tyrrheno in marmore Nymphæ,

Euboicæ Nymphæ; fluvioque investus ovanti

Sebethus gemina spectat vernantia ripa

Lilia, dumque fluit, vix sese agnoscit in illis;

Amne tamen lambit passim surgentia: quondam

Victrices etenim spondent hæc lilia palmas.

Ipse etiam cumulas inopino gaudia motu

Nostra Veseve, cavis toto qui nuper ab antris

Axe tonas, aliosque intus jam mitior ignes

Concipis; & niveo subtexis sidera fumo.

Agnovit Famæ sonitum de litore Proteus,

Hesperio, tum forte suas qui gurgite phocas

Servabat, Regemque, & Iberæ nomina Gentis

Cæruleus vates, venturaque fata canebat.

Nec mora, Neptunumque adit, & quæ cognita dudum

Cuncta refert: probat hæc Saturnius, atque ita fatur:

Scis, Proteu, scis ipse, mihi quæ maxima Regis

Hispani sit cura, mea ut maria undique sceptris

Illius prono submittant gurgite fluctus.

Illum ego quadrijugo vestus per cærulea curru

Seu relit Aufoniam victor, feliciaque arua

Sirenis petere, Eoos seu querere fines

Classe velit, sequar, & lateri comes additus una  
Auxilio ducam incolumem, pelagoque juvabo.

Tantum effatus, & increpitans Pater æquore toto  
Flectit equos, notumque sinum, sua testâ, revisit.

Est locus Oceano in magno, qua vertice surgunt  
Abrupto scopuli, Cæloque undisque minantur:  
Quos subter specus, & Tritonum exercita cantu  
Antra sonant, refluique cavis e rupibus amnes  
Circum rauca fremunt, cunctis genus annibus unde est;  
Neptuni domus: Hic sævo regit ille tridente  
Fluminaque, & pelagi fluctus, horrendaque monstra.  
Huc venit Hesperii rediens Neptunus ab oris.

Forte rotas, currumque cavo Tritones in antro  
Adnixi instabant, quo versis denique fatis  
Pacatos, Jacobe, petas, tua regna, Britannos.  
Et quamquam indignans Themesis fremit, Anglica nec dum  
Colla jugum subeunt, Regemque & jura recusant;  
Auspicis, LODOICE, tuis tamen ille paterno  
[ Nam Themis hoc probat alma ] solo potietur & Aula:  
Tu motus animorum, atque hæc conamina victor  
Prosternes, solioque potens firmabis Amicum.

Parte alia currum, similes quem struxit in usus  
Regnator pelagi, magnoque optavit Ibero.  
Cernere erat, quo falsa olim per cæcula vectus  
CAROLUS Hesperiae primum decus; Ille ubi classem  
Post Nomadum bello edomitam, pulsoque Sicambros,  
Ausoniam, Euboicumque sinum, sua Regna, petivit  
Victor, & aggestis retulit spolia ampla tropæis.

Ponite cœpta, inquit, dictisque advertite mentem  
Æquorei Tritones, adhuc cessatis? Ibero  
Currus enim properandus, & acri est arte labori  
Instandum; celerate: nec ultra effatus; at illi  
Protinus incubuere: æqua descendit in omnes  
Parte labor. Gemmas ergo huc, auri que metallum  
Et, quas servat opes, ultro invehit Amphitrite.  
Augustum effingunt currum; pars orbibus orbes  
Impediunt, celeresque rotas; pars tympana ducunt,

Exor:

Exornantque auro super; hi Zephyrosque, Notosque  
Arte premunt, radiisque addunt. Jamque ordine certo  
Surgit opus, plauditque alacri Fortuna labori.

Hæc dum cæruleis properat Neptunus in antris,  
Regia confurgit comitum manus, & sua venti  
Vela vocant, facilesque auræ. Jam litora complent  
Hispanæque rates, & quam modo Gallia classem  
Miserat adjungens, Regemque & jussa morantur.  
Undique conveniunt, socios quos ipse juberet  
Esse viæ; Procerum primi, & delecta Juventus,  
Ductoresque alii. Sacris tum plurima templis  
Vota, precesque Deo fundunt; qui Numine classem,  
Qui Regem incolumem Sirenum sistat in oris:  
Regina ante alios, cari quam conjugis ingens  
Assilat amor, solitæque incendunt pectora flammæ.

Illa quidem, ut naves sensit, cursumque paratum,  
Complexu retinet properantem, atque oscula jungit  
Illacrymans: nec jam optat amans divellier inde,  
Certa sequi, perque alta suo comes ire PHILIPPO.  
Alit ubi nec precibus (quàmquam sit mutuus ignis)  
Nec lacrymis victus cedit (nam fortior illum  
Cura premit) tandem his mœrens compellat euntem.

Ergo ego te patrii linquentem litoris oras  
Dimittam, nec vela sequar tua? concitus ut te,  
Me sine, classe vehat Zephyrus? num sarcina puppi  
Magna tuæ accedam? vel me maria alta secantem  
Terreat aut fluctu, aut Borea nimbosus Orion?  
Qui-te-cumque ferent externa ad litora venti,  
Et me nempe ferent; erit & fors una duobus:  
Nec metuum incertas, quas non patiære, procellas  
Infelix, pelagove absens terrebor, & undis:  
An potes ah! dulci procul hinc spirare relicta  
Conjuge? Si quis amor, nusquam potes: ibimus una,  
Ibimus. Hic gemitu sermonem abrumpit; & auræ  
Se rapit heu! manibusque sui lapsura viri stat.  
Semianimem excipiunt famulæ, atque in tecta reducunt.

Jamque adeo exierat Regis comitatus, & Urbem

Lique-

Liquerat; ipse alios inter placido ore PHILIPPUS

Ibat, cum Tyrio fulgens chlamys ambit amictu:

Qualis Apollinæ laurus dilecta coronæ

Aut Pimphæ in ripa, aut Penceia flumina circum,

Ulmorum in medio, frondes late explicat auris.

Vifendi studio certatim Hispana juvenus

Huc excurrit, & huc; camposque, & lata viarum

Obsedere; juvat gradientes cernere, & ipsos

Præcipue Regis vultus, ac fausta precari

Omina, felicemque secundo Numine cursum.

Interea patriis celerans Neptunus ab undis

Improvisus adit: Regemque ut vidit, amicis

Compellat dictis: Genus alto a sanguine Regum,

Borbonide, mihi quem promitti sæpius olim

Audieram, Regnoque parem, folioque potentem

Hesperio; si nunc animo sententia surgit

Sirenium penetrare sinus, pelagoque subire,

Hoc ego te [ currumque manu demonstrat ] euntem

Excipiam; hoc tutum Tyrrheno in litore sistam;

Tolle moras. Dixitque, & currum advertit; at ille

Miraturque rotas gaudens, donisque potitur,

Atque triumphanti similis conscendit, & alte

Emicat; inde oculos lustrans per singula volvit.

Namque ibi res Proavum, Gallosque ex ordine Reges

Haud rerum ignarus pelagi Sator, armaque, & urbes

Fecerat, & mira circum descripserat arte.

Ipse inter primos, ostroque insignis, & auro

Admonitu Superum, ac victricia signa sequutus

Promissos aris reddit Clodoveus honores

Sacra ferens, atque arma manu, delapsaque Cælo

Lilia, vexillumque, auro cui nomina flammeo.

Nec procul hinc, magnum adjunxit cui gloria nomen,

Carolus agmen agens, hostem sternitque, fugatque,

Cæsareosque gerit virtutum insignia fasces.

Parte alia innumera costerni puppe videres

AEquora, & instantem Lodoicum, ac bella moventem

Euphrasi; longe pavidi tremere ossia Nili;

Jor-



Jordanisque procul ripas, Libanisque cacumen  
 ( Nequicquam tamen heu ! ) properantia vela vocare.  
 Inde alios, clara extulerunt quos sæcula fama  
 Carolidas, Capidasque, & , queis modo lilia vernant  
 Gallica, Borbonidas: Hic te, Franciscæ, secundo  
 Palladium auspicio Gallis qui restituis rem;  
 Hic magnum Henricum, pietas cui sceptrâ resignat;  
 Hic Justum extuderat, Regum mitissimus unus  
 Qui fuit ante alios, & servantissimus æqui.

At curru in summo, qualis medio æthere Phœbus,  
 Sese armis ingens, animis ingentior offert  
 Maximus Heroum LODOICUS; & aurea tollit  
 Signa, triumphalique innectit tempora lauro.  
 Ante pedem, fractasque rotas Fortuna, suasque  
 Projicit, obsequio major, Victoria palmas:  
 Respicit hunc Proavum turba, & miratur ovantem,  
 Tollentemque animos, & vinci gaudet ab illo.

Talia per currum, Neptuni dona, PHILIPPUS  
 Dum stupet observans, & avitæ laudis amore  
 Magnanimam incendunt Veterum gesta inclyta mentem,  
 Urget equos Neptunus agens, pellitque tridente  
 Haud ignarus aquæ currum: volat ille per undas  
 Ocyor, & cursu rapidos prævertitur Euros.  
 Inde aliæ properant puppes, Zephyroque secundo  
 Alta secant; quaque alta secant, innare videres  
 Hinc atque hinc lusu vario delphinæ, & omne  
 Nereidum genus: interea stupet ipse PHILIPPUS,  
 Spem tollit tamen, atque animos læto omine firmat.

Jamque sinus procul Euboicos, quæsitæque Regna  
 Stans celsò in curru Rex aspectabat, & omnes  
 Neptuno monstrante vias; cum protinus olli  
 Nympharum stipata choris pulcherrima Siren  
 Occurrit, Regemque suum, sua vota, choreis  
 Lustrat, & optato vix explet lumina vultu.  
 Dein propior [ puppim dextra tenet, altera fluctus  
 Submovet ] alloquitur venientem, ac talibus inquit:

O Amor, o nostris merito decus addite Regnis.

Expe-

Expectate diu, tuâne hic tandem ora PHILIPPE  
Cernimus, augustoque beamur lumine? cum te  
Invidit tantum Euboicis Hispania terris?

Hæc tibi se, metire oculis, quam maxima tractu  
Terra patet longo, subicit secura: virebunt  
Hic etiam, ne sperne, Tagi jam cognita ripis  
Lilia, victricique adolescent germine palmæ.

Jam pompæ, festique dies, jam læta parantur  
Gaudia, jam populis plausu longe affonat æther.  
Quidquid id est, fieri pro tempore jussimus; at Tu  
Cum statues victor Campana in sede tropæa,  
O ego quos plausus, ego quæ tum festa per Urbem  
Instituam monumenta animi, quibus Ipse triumphans  
Excipiare, tuo accedens laus maxima Regno.  
En erit illa dies, cum te tua sceptrâ tuentem,  
Turbantemque metus, irasque & bella fugantem  
Aspiciam procul Euboico de litore, & ipsa  
Occurram venienti; aulamque ac regia pandam  
Limina; tunc alacres circum, socia agmina, Nymphæ  
Instituentque choros, fremituque ad sidera nomen  
Borbonidum attollent; laudesque, & clara tuorum  
Facta canent: Ipse ante alios diceris, avitam;  
Qui geminas famam, patrioque assuefcis Olympo.  
Interea Hesperidum, atque Italum justissime Princeps,  
Ingredere o, nostrosque lares, tibi debita felix  
Tecta subi; quem dudum animis excepimus, aula  
Nunc etiam excipimus, Regnique in sede locamus.

Olli Borbonides vultu subrisit amico,  
Cærule quo, ventique leves posuere; morantem  
Dein currum increpitat: nec longum tempus, & urbi  
Accedunt, portusque tenent, classemque relinquunt.  
Ipsa suum, Populis circum plaudentibus, aulæ  
Infert, & merito Regem veneratur honore,  
Optatum accipiens folioque animoque, PHILIPPUM.

Ille aulam ingreditur gaudens, altaque coruscat  
Sede sedens: qualis roseo cum surgit Eoo  
Cynthius, & tenebras vultu, nimbosque resolvit.

Tunc

Tum novus extemplo fatorum nascitur ordo  
Auspicio meliore, Urbisque apparet imago  
Lætior; ipsa etiam vultus a Principe ducit  
Faula dies, placidosque jubet procedere soles.  
Incedunt alacri passim clamore per Urbem  
Lætitiæque, jocique, & amantes carmina plausus.

Macte animo, Rex alme, tuis virtutibus amplam  
Fata viam sternunt: Juveni cum summa potestas  
Tradita, quid dubitas? hunc ad majora reservant  
Sidera, majoresque Orbis designat honores.  
Tempus erit, cum te superantem fata tuorum,  
Sceptraque, virtutesque virum, mentemque, manusque  
Fama suas molita tubas celebrabit, & astris  
Inferet, heroumque choros augebis ovantes.  
Sæcula quin etiam pacatis aurea Regnis  
Felices revehent Duce te, teque auspice cursus.



## E C L O G A I.

*Cum Nuptiæ CAROLI BORBONII Regis , & M.  
AMALIAE VALBURGAE sollemni pompa  
celebrarentur .*

MELISÆUS , MOPŒUS .

- MEL. **H**OC verum est ? urbana tibi spectacula tantum  
Mopse placere ? per arva tuas , perque avia passim  
Ut nullo custode sinas errare capellas ?
- MOP. An non his fruerer , quando est concessa potestas ,  
Quæ pater indulgens nobis bonus oria fecit ?  
Nec tamen est adeo petoris neglecta relictæ  
Cura ; vices , aderat , qui tum suppleret Alexis .
- MEL. Custodem narras vigilem ! qui scilicet omnes  
Aut somno , aut nucibus ludens consumeret horas .
- MOP. Gratia Dīs superis , nulli furesque , lupique  
Insidias hodie meditantur ovilia circum .
- MEL. Sic puto : sed quæ te tantæ Sirenis in Urbe  
Detinere moræ ? prima cum luce profectus  
Occiduo jam sole gregem , caulæque revisis .
- MOP. O Melisæ , quis insuetæ miracula pompæ  
Explicit , aut verbis æquet quæ plurima vidi ?  
Ut vidi , ut stupui ! novitatis imagine captus .
- MEL. Nempe lupi Mopsū prius aspexerē ; vel ipsum  
Errantem solos vidiſti Pana per agros ;  
Quandoquidem tanto stupuerunt pectora visu .
- MOP. Quid mihi tu memoras nequicquam Pana , Luposque ?  
Tota Urbis facies in morem ornata theatri ;  
Ordine dispositi longo per lata viarum  
Surgebant picti contextis molibus arcus ,  
Ceu cum per pagos , & cōpita sæpe solemus  
Aut lauro , aut myrto vestitos fingere cervos ,  
Dum redeunt lætis sollemnia sacra colonis .
- MEL. Tu spectator iners , quasi nil instaret agendum ,  
Aut

Aut Superi tibi conficerent optata sedenti .

MOP. Quid loquar, ut magnis populorum fluctuet undis  
Per fora , perque vias passim, perque atria Siren?  
Haud aliter, quam cum nigro sese agmine densæ  
Agglomerantque, teruntque viam, redeuntque, meantque  
Formicæ, occurruntque sibi, impediuntque vicissim.  
Interea miles [ tota nam plurimus urbe  
Miles erat ] jubet obstantes discedere , & omnem  
Submovet e medio populum : patet area : cuncti  
Arrecti : Venit, ecce venit pompa aurea : Currus  
Ostijuges gradiuntur, & expectata propinquat  
Regina, aspectu qualem decet esse Dianam,  
Quam dicunt nitidam mediis incedere silvis.  
Vectus equo ante ipsam, nummos qui spargeret, ibat:  
Missilibus jactis, cupidum concurrere vulgus  
Aspiceres; ut sæpe greges ad pascua nota ,  
Utque suæ raptant concussa ex ilice glandem .

MEL. Ecquid & ipse domum rapto gravis ære redisti?

MOP. O utinam! sed turba frequens, densusque viro vir  
Obstitit, atque animum misere delusit hiantem .

MEL. Non impune tamen Lycidæ fuit ardor habendi ;  
Nam tumido turpem vultu, scissaque lacerna  
Illum & pastores socii, & risere bubulci .

MOP. Te miror Melisæe , trahit quem nulla videndi  
Talia, quæ vix ulla reducent sæcla, voluptas:  
Nec populi plausus , nec regia limina curas .

MEL. Curent ista, quibus vacuis licet esse: labori  
Instare, & rebus, quorum indiget usus, agendis  
Pastores nos, Mopse, decet . Sic sæpe monebat  
Me puerum senior quondam pater optimus Alcon,  
Montibus in nostris fama non ultimus Alcon.  
Vix decimas mea tunc ætas numerabat aristas;  
Ille sub argutæ confidens ilicis umbra  
His teneram dictis mentem formabat amicis :  
Luce magis , Melisæe, tuo dilecte parenti,  
Si poteris vitam contentus ducere parvo,  
Regales æquabis opes: minus indiget, optat

Qui

Qui minus; at cupidis contra nihil est satis umquam.  
 Non opibus cupidi, quamvis fortuna secundet,  
 Non herbis saturantur oves, non fontibus horti.  
 Tu juvenum fastus, tu limina divitis aulæ,  
 Aulæ heu! tecta fuge, & vacuæ ne jungere turbæ.

MOP. Vera Senex (quid enim inficiet?) Melisæe, monebat.

MEL. Nec semel, aut iterum; sed sæpe audita, tenaci  
 Tempore ab illo altis animo radicibus hærent.

MOP. Hærebunt eadem nostro sub pectore: mores  
 Tu monitis Patris, ipse tuis componere discam.

## ECLOGA II.

### EODEM ARGUMENTO.

#### CELADON, MOERIS.

CELAD. Hic cecinit nuper Lycabas: hic Moeri, canamus,  
 Dum vacat, & nullis agitantur pectora curis:  
 Nam tibi servat oves vicina in valle Menalcas,  
 Et mihi custodit nassas, & retia Milcon.

MOER. Quo-me-cumque vocas, Celadon, quo jufferis, ibo.  
 Quamquam nostra tuæ rauca est collata camenæ  
 Fistula; ceu niveis Cornix, aut Noctua Cynis.  
 Sed, rogo, quid Lycabas cecinit? quæ caussa canendi?  
 Namque illum perhibent facili deducere vena  
 Carmen, & ornatos ex tempore promere cantus.

CEL. Pauca quidem recolo, tacitus quæ mente notavi,  
 Et mecum sola repetens meditabar in æta.  
 Huc ades, o Hymenæe, facies incende jugales:  
 Regi Sponsa datur Carolo Valburga: sereni  
 Ite dies; nullæque obstant a sole procellæ.  
 Jam pompæ, festique chori, jam læta parantur  
 Gaudia, jam cunctæ subsultant plausibus oræ.

MOER. Non tantum Lycabæ cantu; sed Apolline digna  
 Materies hæc est, Celadon; neque gratior ulla

Lito-

Litoribus nostris , nostris aut collibus umquam  
Audita ; atque utinam mihi tunc licuisset adesse .

CEL. Vidisses hilari plaudentes voce sodales ;  
Plurima namque manus juvenum convenerat : ipsos  
Vidisses per prata greges , per cœrula pisces  
Saltibus in numerum festas agitare choreas :  
Atque antra , atque auras resonare , atque æquora cantu .

MOER. Me nemo interea , & colles tenuere Diçarchi  
Errabunda gregis vestigia pone secutum .  
At tu perge referre : tuis , si non grave , saltem  
Explebis referens sitientes versibus aures .

CEL. Ludite per virides , bona pubes , ludite campos ,  
Dum licet , & secura Deus facit otia terris .  
Cernitis , ut meliore nitescant lumine soles ;  
Ut placidæ nullis turbentur flatibus undæ ;  
Arvaque vernanti lætentur ut omnia vultu !  
Ludite per virides , bona pubes , ludite campos .

Cetera quid referam ? neque enim per singula possim  
Ire memor , numerosque omnes , & verba tenere .  
Namque canebat , uti peregrino ex orbe secundis  
Auspiciis Regina Italas advenerit oras  
Parthenopen sceptris auctura , & prole Parentem .  
Utque favor populi fuerit comitatus euntem  
Undique , vicinæque excitæ plausibus urbes .  
His addebat aquis tumidum majoribus Albim ,  
Albim nescio quem , cujus de flumine ripis  
Accessisse tuis famam , Sebethe , canebat .



## E C L O G A III.

## PASTORIS, PISCATORISQUE CERTAMEN.

## LYCIDAS, MOERIS.

- LYC. **C**Ur non, Mœri, graves cantando fallimus horas,  
Quandoquidem nobis operis nihil instat agendum?
- MOE. O Lycida, sicco quæris de flumine lymphas :  
Non opis est nostræ ; neque mens est omnibus una .
- LYC. Si placet, alterno referemus carmina cantu ,  
Carmina, quæ nuper magnæ Sirenis ad urbem  
Certantes cecinere simul Zephyraus, & Alcon ;  
Notus olympiaci Piscator litoris Alcon,  
Incola Pausilypi Pastor Zephyraus amœni .
- MOE. Et placet, & meminisse reor : nam sæpe solebam  
Audire, & numeros recolens, & verba tenere ;  
Alternis dum sæpe cava sub rupe canentes  
Hinc pecudes, illinc mirati e gurgite pisces .  
Ergo age Pastoris referens tu carmen ; at ipse  
Mox repetam quæ Piscator respondeat Alcon .
- ZEPH. O quæ Pausilypi servatis culmina Nymphæ ,  
Laurea ( si merui ) mihi nectite ferta canenti .
- ALC. Tuque o piscosi cultos Galatea profundi,  
Projice non vacuas ipsa hæc ad litora conchas .
- ZEPH. Dum mea silvestrem meditatur fistula musam,  
In numerum pecudes agitant per prata choreas .
- ALC. Dum resono argutum scopuli de vertice carmen ,  
Plaudentes ludunt saltu Delphines in undis .
- ZEPH. Non ego vel Faunos medium vidisse per æstum,  
Vel timeam igniti collem superare Vesevi .
- ALC. Non me, dum fragili sulco vada falsa phaselo ,  
Terreat, aut Scylla, aut monstribus horrenda Charybdis .
- ZEPH. Felices nimium, Pastorum gaudia, silvæ,  
Atque umbræ altorum nemorum, campique jacentes !  
Semper ego vestras meditabor carmine laudes,      Semper



Semper & arguti reddent mea carmina colles.

ALC. AEquora piscantum vos o faustissima votis,  
Et quæ vernanti gaudetis litora musco;  
Semper ego tenera versus modulabor in acta,  
Et scopuli, & vitrei discent mea carmina fluctus.

ZEPH. Tityre pascentes per devia rura capellas  
Ad fontes age duc: medio sol altus olympo  
Excoquit arva siti: numerum mox ipse notabo.

ALC. I celer, i Doryla, fluitantes æquore nassas  
Inspice, fallentesque hamos, & retia serva,  
Ne malus abripiat Celadon sub gurgite pisces.

ZEPH. Colle super viridi sedeo dum lentus in umbra,  
Et teneras nimio defendo a sole capellas,  
Invitant placidos, curarum oblivia, somnos  
Hinc avium cantus, illinc levis aura susurro.

ALC. Rupe sub æquorea vacuus dum frigora capto,  
Expectoque vigil notas ad retia prædas,  
Dulce canens animum relevat Doridallus: at ipsi  
Saxa per, & scopulos fluitans immurmurat unda.

ZEPH. Quam juvat, autumnus referunt dum tempora fructus,  
Poma sub arboribus facili decerpere dextra:  
Mox ubi jam saturæ veniunt ad mulctra capellæ,  
Collectam spumante sitim depellere lacte.

ALC. Dulce per æstatem Zephyris mulcentibus auras  
Litorea pelagi ripas percurrere cymba:  
Mox ubi jam multo curvantur pondere nassæ,  
Ducere squamigeros ad proxima litora pisces.

ZEPH. Montibus in nostris gelida sub rupe canentem  
Pastores olim doctum sensere Menalcam,  
Sævaque pacati posuerunt murmura venti.

ALC. Litore in hoc docta cecinit Melissæus avena,  
AEquoream facili meditatus arundine musam,  
Carminē quo tumidæ pelagi siluere procellæ.

MOER. Hactenus alternis memini luisse canentes:  
Hactenus & nostras satis est luisse camenas.



PROLUSIO I,  
CUM POETICAM ARTEM  
EXPLICATURUS ESSET.



Uum esse cuique pulchrum, parcemia vetus est, eademque verissima: sive demum id vitio nobis verti debeat, qui nostra fere studio quodam magis, quam iudicio probamus; sive bono naturæ consilio factum sit, ut quemadmodum parentes liberis, ita suo quisque studio maxime delectetur: ut nimirum ea illectis jucunditate hominum animis, quisque quod suarum est partium & alacriter velit aggredi, & explere strenue possit. Illa certe mortalibus est insita *φύσις* [a], ut neminem tam modestum, tam attentum, tam oculatum iuvenias, quin in propriis æstimandis aut falsa rerum opinione deceptus, sibi paullo impensius faveat, aut quadam animi propensione corruptus cæcutiat, atque hallucinetur.

---

(a) amor sui.

sinetur. At quorsum ego hæc? nempe ut hanc mihi veniam deprecem in antecessum, si partium duci studio potius, quam jure agere videar: sum enim de bonis artibus, præsertim Poetica, dicturus, hoc est de re mea; quamquam non desunt, qui me prævaricatorem in hac esse caussa suspicentur: de qua tamen si non adeo humiliter, si etiam magnifice, contra quam plerisque velle scio, sentiendum esse dixero, nolo quisquam intercedat, & usque obtundat. Jam enim ante præmonui, suum cuique pulchrum, ut ne quis ægre ferat, si mihi meum. Obloquantur ut lubet ii, qui ædilitia quadam, atque censoria potestate ordines pro arbitrato discernunt, ac Rhetores tribu sua motos in ultimis hære subsellis jubent. Equidem contra hos libenter venirem, præsertim apud viros, quos in bona caussa favere certe scio. Verum in præsentī fatius duxi perpetua oratione non uti. Primum quod apud quosdam præjudicatis opinionibus occupatos isto modo si agas, opera & impensa pereat: deinde quod eorum, qui nostra elevant, aut carpunt, magnam partem, verbo potius, atque animi gratia, quam ex sententia id faciunt: postremo quod si qui sunt dicaciores, ii sunt patientia omnino molliendi; si enim velis adversari, ferient sæpius; tum si per eandem lineam reciprocatur serra, qui tandem finis? An vero convicia nos etiam, ac dicteria reponamus? non est nostrum, nisi cum publice interest: qui bonas artes profitemur, humanitate ipsa humaniores, ut scopulus affilientes undas sine motu ullo suo frangit, sic nos conviciatores istos sine acerbitate ulla, aut ira. At ne nihil omnino agere videar, aut ne quis forte silentium in consensum ducat, consilium est ex hoc loco referre vobis fide bona, quid super hac re in Eruditorum Senatu nuper dictum, actum, cautum sit. Vos date operam, & aures; neque enim adeo difficilis erit Poetæ venia unius mendacii.

Cum in proxima litteratæ Reip. illustratione Censores cum servari morem vellent de ordinibus discernendis, quem Aelius Pætus, & C. Cornelius olim induxe-

rant, AEdilibus curulibus imperarunt, ut curarent in posterum loca secerni; si quando ludi præberentur, omnes in promiscuo ne spectarent: logodædalos, & mythologos, quique e lyceo non essent, ad prima subsellia accedere sibi non placere. Vix Edictum Cenforium in vulgus manavit, cum ingentes illico turbæ; neque enim hæc sine eorum offensione, qui in deteriore caussa ponebantur, fieri potuere. Ad hoc, magnum semper in Rep. Rhetorum nomen, & favor Populi, quem cum utilia suadendo, tum ludicris oblectando mirum in modum sibi devinxerant, rem eo videbantur adducere, ut parum abesset, quin tumultum decerni oporteret; nec deerant, ut sit, qui aliquid occulti ligni suggererent in hanc flammam. Quod cum Cos. M. Fab. Quintilianus timeret, optimum factu censuit, de ea re primo quoque tempore ad Senatum referre; præsertim cum & Urbanus Prætor, & Senatores aliquot idem flagitare jamdiu instituissent. Igitur solemnī formula, *Bonum factum*, præmissa, edixit, se ad xix. Kal. Novemb. cum prima luci Senatum in æde Apollinis habiturum: qui Patres, quique conscripti, quibusque in Senatu sententiam dicere liceret, frequentes adessent. Tum per apparitores edictum appendi jussit in pilis, & columnis, U. D. P. R. L. P. [a]

Ad dictam diem turba convenit frequentissima: Turba, inquam; Nam post Jul. Cæs. Scaligeri censuram, modum splendoremque pristinum Senatus amisit: affecti passim in hunc ordinem semibarbari, semigræci, semilatini: nulla jam census & ætatis habita ratio: modo quis AEsopi fabellas triverit, patet curia: si quis centones male consarcinatos comparaverit, assuit illico quasi palmatæ tunicæ latum clavum: denique Senator audit, quicumque nugarum aliquid proferat, etsi nihil sit in eo salis mercurialis, immo Neronianas thermas, ut dici-

---

(a) Ut de plano recte legi posset.

dicitur , valeat refrigerare . Itaque oppleta jam curia , cum sparsim adhuc starent Patres , mustantesque , & muginantes , e curuli sua surgens Fabius , *vultu dextraque silentia iussit (a)* . Mox verba facere sic coepit .

Parvis de rebus , ac minime necessariis P. C. consuli vos hodierna die nonnemo putaverit : ii scilicet , qui litteras , quæ humaniores vocantur , leve quiddam esse , ac nugatorium existimant . Ego vero , qui ab illis ita dissentio , ut nihil esse contendam , quod aut magis exquisitam , ac reconditam doctrinam requirat , aut majores ex sese pariat fructus , de summa Reip. agi puto , dum agitur de honoribus Rhetoricæ facultati vel decernendis , vel conservandis . Quoniam vero meæ partes sunt magis exquirendæ sententiæ , quam dicendæ , vosque rem jam tenetis Patres , ut relationem demum faciam , Q. F. F. Q. R. S. [b] de Censorio Edicto , deque iis , qui Rhetores , ac Poetæ appellantur , quo loco , quo numero sint habendi Q. F. P. [c] ? Dic tu M. Cato . Primus hic sententiam rogatus est , quod eo tempore Consul designatus erat . Ad Catonis nomen , alta quies , erectique animi : erat admiratio viri integritate , constantia , severitate notissimi . Et M. Annæus Lucanus e poetarum subelliis ad adolescentes quosdam , poetas e nupero sætu , qui circa assidebant , intento in hominem digito , Hic ille , inquit , Cato , *Justitiæ cultor , rigidi servator honesti , in commune bonus [d]* . Ipse vero surgens insit .

Sæpenumero P. C. multa verba in hoc ordine feci ; sæpe de ambitione nostrorum Civium , de nimia judiciorum clementia questus sum : nec paucos ea causâ adver-

C 4

fos

(a) *Luc. L. I.*

(b) *Quod faustum , felixque Reip. sit .*

(c) *Quid fieri placet ?*

(d) *Luc. L. II.*

fos habeo : sed amicitias Catoni deesse , sus deque fero ; Catonem deesse Reip. , hoc enimvero non patiar . Nam quæ hæc factio est , ut qui magistratum in Rep. nullum gesserint , ii juxta nobiscum honores obtineant ? an Phraeologi , nugarumque Architecti se ulla ex parte cum Philosophiæ Doctores conferant ? At utilitatem afferunt non aspernandam . Audio : sed quid est , quod afferre possint , præter poeticas quasdam fabulas ad pueriles annos hilarandos compositas , & aliquot levia poliendæ orationis præcepta ; cum satius esset in moribus , animisque componendis occupari ? Rhetorum ego studia non improbo ; verum suo quemque velim se metiri pede . Quare ita censeo , quæ majores nostri , quæ XII. tabulæ instituerunt , ea retinenda esse : Quod Censores edixerint , ne qui Rhetorum ludos habent , quique eo conveniunt , prima subsellia adirent , id eos recte , & ordine , exque Rep. fecisse : ita censeo , & hoc amplius ; qui contra faxint , eis aqua Castalia , & igni poetico interdendum ; atque ad frigidas Grammaticorum Insulas in glaciali Prisciiani pelago relegandos .

Affedit Cato , postquam dicendi finem fecit , assensu vario . Nam Consulares omnes dicta laudabant ; e Patribus multi verbo consentiebant , alii pedibus in sententiam ibant . Jamque Rhetorum res in extrema tegula stare videbantur ; prope enim aberat , ut Senatus decerneret . At ipsi , quorum ferrum in igni erat , huc illuc circumcurrere , prensare Patres , orare ut carmen cognoscerent , neque hanc sibi laudem delibatum irent , atque imminutum : quidam postulare , ut Catonis sententia divideretur ; alii ut more majorum singuli consulerentur . Quid multa ? clamor jam erat , & confusæ voces , & mera ovilia . E Poetarum subselliis , ubi libentius , quam inter medicos versabatur , Hieronymus Fracastorius identidem illud inclamabat : *O nimium miseri nos , & genus ærumnosum* . At Jun. Juvenalis , ut erat ingenio præferendo , ac libero , Aliena , inquit , judicia non moror ; *Sed fortuna volet , fiam de Rhetore Consul* . Mitius aliquanto age .

agebat Petrus Bembus, qui, Rogo vos, inquit, P. C., ne cogatis implorare auxilium Tribunorum.

Interea Cenfor Crispus Sallustius, & cum eo Prætor Varro id operam dabant, ut motus comprimerent, animosque pacarent; vultuque ad majestatem simul, ac lenitatem composito, Quid hoc rei est, inquirunt, P. C. ? ita-ne placet incondite obstrepere? nolite sultis id facere, quod fieri non decet. Ita-ne servamus disciplinam Curia? sedete, adeste cum silentio: qui nec paruerit, qui turbassit, lege Mutia damnas esto.

Vix tandem effectum, ut quiescerent. At Consul veritus, ne turbellæ rursus fierent, aut altercando iret dies; ac ne quid Senatus auctoritas detrimenti caperet a tribunitia intercessione, rem censuit haud longius protrahendam: sed interim curandum, ut æquiores se tantisper Poetis ostenderet: iis delinitis, ceteros in officio facile contineri. Noverat enim genus hominum iniquis, atque versatile; quodque tragœdias non minus in Curia, quam in theatro daret. Igitur nescio quid secreto cum Corn. Tacito collocutus, negavit se iturum per singulos; per saturam, ac sine ordine sententias exquisiturum, propterea quod multa esset eo die frequentia: tum iussit dicere, si quis vellet, e Poetis.

Nihil iis potuit optatius fieri: videbatur enim cum honorificum, tum salutare, sententiam ipsos perrogari, causamque dicere pro voto. Itaque capita paullisper inter se contulerunt, deliberaturi, quisnam eas ageret partes? Plerique voluntatis inclinatione propendebant in Ennium Patrem, Poetarum nempe abavum, & aboriginem, atque adeo tatarum pappum; sed affecta jam ætas, & fractæ vires illum huic oneri subdlexerunt: nam neque stare usquam, nullo circum adnitente, poterat; neque ita continenti spiritu verba facere, quin orationis cursum identidem interrompere cogeretur. P. quidem Maro, & Q. Flaccus in Senatum eo die non venerant; incertum qua causa: fortasse an apud Mæcenatem aliud agentes; ipsorum enim res, fautore Augusto,

gusto, erant in tuto. De reliquis non satis conveniebat, aliis in alium consentientibus. Quare ne trizando tempus eximeretur, placuit super ea re Julii Scaligeri iudicium esse, hominis nasutissimi, quique non semel Poetarum Nationem lustrasset universam. Sed neque hac successit via: morosus enim Iudex, atque hypercriticus, dum sibi nimium tribuit, suoque supercilio fastidit omnes; dum singulos notat, neminem probat; atque ita dum nemo illi satisfacit, omnibus est ipse odiosus.

At litem diremit recens quidam Poeta nuper adeo in Senatum admissus; qui, si sua opera uti vellent, habere se dixit, quæ proferret in medium, fortasse non ab re, Carmen scilicet sibi paullo ante in villa Musarum a Poesi dictatum ea gratia, ut in Senatu ejus nomine recitaretur. Audierat enim suam rem agi: quoniam vero lege sancitum esset, ne mulieres cujusvis negotii causa Senatum, aut Curiam adirent, idcirco subsidio sibi alterum comparasse: æquum propterea esse, ut quibus in rebus ipsa per se Poesis interesse non posset, in his operæ illius vicaria fides poetarum supponeretur. Percommodum est omnibus visum hoc sive causæ patrociniū, sive novitii poetæ commentum. Ille vero, facta dicendi potestate, nihil ultra cunctatus, Poeseos partes, ac personam expressit in hunc modum.

*Non ego, si studiis animum levioribus orno,  
Despicienda tamen carmina nostra putem.  
Et suus est etiam Phœbo decor, & sua Musis  
Gratia; non adeo nomine Pimpla vacat.  
Nec mihi, virtutes inter dum spectet & ipsa,  
Turpe sit extremo nempe sedere loco.  
Cur aliquis certat, numero ne finis in illo?  
Scilicet invidiam dos aliena movet.  
Quisque sua placeatque sibi, & se jactet in aula,  
Famam quisque sua, qua valet, arte petat.*



*Si quis, ut in vulgo, sedeat sine pectore Iudex,  
 Invidus & primi me neget esse chori;  
 Non ille ingenuas aequatis lancibus artes  
 AEstimat, ex merito quæque probanda suo.  
 Certe ego, Palladia venio quod digna palaestra,  
 Praesidio potui demeruisse lyra:  
 Illa locum, sedesque parat, ceu sacra ferenti;  
 Illa satis, nomen quo tueamur, habet.  
 In quascumque voles animum deducere curas,  
 Res erit ingenio qualibet apta meo.  
 Si placet arcanos natura intrare recessus,  
 Hinc etiam multum carmina laudis habent:  
 AEthera si, Calique vias metiris, & astra,  
 Hac quoque jamdudum parte recepta lyra est.  
 Altius assurgas, ipsumque accedere Numen,  
 Et patrii cupias tecta subire Poli,  
 Mente Deum sequar ipsa: etenim non gratior ulla  
 Materies nostris versibus esse queat.  
 Calicolum sacras celebrare ad carmina laudes,  
 Hac fuit inventa gloria prima lyra.  
 Ast ego Socraticos dicor corrumpere mores,  
 Blanda leves molli dum sequor arte jocos:  
 Atque alius clamat, vanos ne tange Poetas,  
 Præbent illecebris certa pericla suis.  
 Dum legis incauto vernantes pollice flores,  
 Vipera te nocuo subdola dente petit.  
 Mista venenato dum sumis pocula succo,  
 Hoc magis illa nocent, quo magis illa placent.  
 Quid redimita juvat foliisque, & floribus hasta,  
 Tinctæque quid dulci spicula melle juvant?  
 Si tibi non minus hinc certo mors imminet istu,  
 Si laceros habeas non minus inde finis?  
 Arguat inmerito, quicumque hoc nomine Musas  
 Arguat, eximius sit licet ille Plato.  
 Non ferit innocuas, si qua est ea culpa, Camenas;  
 Qui reus est, panam criminis ille ferat.*

*Si scelus admittat nimio mens ebria Baccho ,  
 Num scelere admisso vitis agenda rea est ?  
 Pieriam in vitium si quis deflexerit artem ,  
 Non erit hæc artis culpa , canentis erit .  
 Crimen habent lusus , quos non pudor almus honestat ,  
 Quæ mentem ledunt carmina , crimen habent .  
 Quos sua non probitas commendet ; jure Poetas ,  
 Et tanti dignos nominis esse negem .  
 An quia ficta docet rerum commenta Poesis ,  
 Carminibus nullum pondus inesse putas ?  
 Quamquam ficta cano , verum est quod amatur in illis ;  
 Hinc tibi , si nescis , fabula nostra placet .  
 Falsaque , quæ veros imitantur imagine vultus ,  
 Decipiunt blandis , erudiuntque modis .  
 Utiliter certe Vatum commenta leguntur ,  
 Non etenim vani sunt ea plena joci .  
 Carmine compta placet , quæ fit minus aspera , virtus ;  
 Utilitas dulci mista lepore juvat .  
 Adde , quod æternum , referent quem carmina , vivet ;  
 Cedit Apollineo tempus & urna choro .  
 Alterius-ne igitur famæ quæ consulit , illa  
 Cogetur famæ damna subire suæ ?  
 Quæque alios numeris alto transmittit Olympo ,  
 Audiat inferior , deliteatque solo ?  
 Non sinat hoc pietas , non si quæ est debita factis  
 Gratia , non recti conscia jura sinant .  
 Causa perorata est : melior sententia vincat :  
 Sive , quod o utinam ! sive negetur honos .*

Novi poetæ **carmen** admurmuratio varia subsecuta est:  
 verum non tam meditaturn apparuit , quam subito  
 calore fustum ; atque eo potius recitatum , ut ne si-  
 lentio periret , quam quod causæ quidquam prodesset .  
 Auctorem porro mediocre se Poetam videri maluisse ,  
 quam bonum Causidicum . Utcumque tamen ea res non-  
 nihil de Catonis severitate remisit , Patrumque animos  
 immutavit ,

Jam-

Jamque hilares , & tamquam voti compotes Poetæ discurrebant. Pauci tamen e*l*Pedariis a Catone, cum impedimento esse vellent, quominus fieret SC. , postulabant , ut numeraretur , ac sententiæ pronuntiarentur. Sed M. Tullius Cicero, vel quod Rhetorum nationi favebat , vel quod veteres cum Catone gerebat similitudines , recenti animorum inclinatione utendum ratus , Consulem admonuit, uti discessionem permetteret. Annuit ille; verum antea rogatum voluit Accium Plautum ; idque non tam ne sententiam Catonis parvi facere videretur , quam ut hominem ea honoris significatione sibi , atque Ordini conciliaret : nisi enim ejus esset habita ratio , verebatur ne proximis Saturnalibus comica festivitate Senatum in scena ludos faceret apud Plebem. Is igitur, ut erat versicolore synthesi, ac peregrina vestitus, cui togulam a Dionysio Lambino pro tempore accommodatam superinduxerat, surgens occipit :

Bene habet P.C., huic vos nunc bonam bonos laudem dare Gregi, qui bonus est , & ad bonos affert bona . Sed quod bono fiat modo , tecum ego hodie M. Cato tria verba non commutassim ; nam hoc pæne iniquum est Comico conari de subito agere tragediam : qui studiis certant , non sententiis , haud æquum faciunt . Mihi alia mens est , desstringillare homini senatorio non juvat , neque hostire contra . Sed nisi molestum est , meam sententiam vicissatim proferam ; sin odio est , dicam tamen. Tum e*t* tabella recitavit in hunc modum :

Quod M.Fab.Quintilianus Conf. V. F.(a) de Poetis Q. F. (b) placeret ? de ea re Senatus ita censuit : Poetas quidem hoc præsertim tempore utiles esse, reique tum litterariæ, tum bellicæ accommodatos, qui res bene gestas

[a] *Verba fecit* ;

(b) *Quid fieri* ,

stas famæ consignent, quibusque liceat sine fraude mendaciis uti : quare jus merum esse inter Patricios adscisci; non eos tamen promiscuos . Ea re Senatui placere , uti lex Annaria servetur , ne quis ludi magister minor annis xxx. inter summates allegatur ; qui secus , vitio alleſtum videri : tum neque isagogicum, neque strenam, neque minervalia sperare fas esto . De Congerronibus, Inanilogis, Nugivendis , atque hujusmodi , siempse legem esse .

De Discipulis, uti Censores Crisp. Sallustius, Justus Lipsius, alter ambove cognoscant, statuunt, judicent . Quos probaverint , iis liceat inter superiores nomen profiteri . Quos rejecerint, rejiculi sunt, ac rejectanei; juxta cum grammaticis habentor . Neu præmia virtutis indigni ferant cum injuria meliorum : qui locutuleii, qui somniculosi, qui quarta luna nati , honores ne petant : si petere ausing, ulmeum dumtaxat magistratum gerunt .

Itemque quoniam isthac Rhetorum dignitas quibusdam ægre facere videatur , Senatum huic rei prospectum , præcautumque velle . Quibus dolent oculi , uti Cornel. Celsus dispiciat ; siquidem collyrio sanari possint , illinere satagat quotidie mane ; si eo non possint, apophlegmatismum adhibeat, qui ore commansus pituitam, capitisque humores deducat . Stomachicos, quique alienam gloriam concoquere non valent , uti Hieron. Fracastorius procuret : horis antemeridianis omphacii do-drantem in sextariolo propinet , cathartici pulveris admiscens quantum satis erit ; vesperi defigat cucurbitulas ; tum arboris peregrinæ ramali cylindrico scapulas probe conscribillet . Si quis huic SC. [a] intercefferit , Senatui placere, auctoritatem perscribi . Si quid de ea re ad populum, plebemve lato opus est ; uti Prætor M. Varro, quod ei videbitur, ad P. P. V. ferat (b) .

Finic-

(a) *Senatusconsulto* .

[b] *Ad Populum , Plebemve* .

Finierat Plautus, cum Consul discessionem permisset in hæc verba : Qui hæc sentitis , in hanc partem , qui alia omnia , in illam partem ite , qua sentitis . Quoniam vero pæne omnium animi mutaverant , Senatus frequens Catonem reliquit . Fabius vero dicis , & moris causa addidit : Hæc pars major esse videtur . Deinde Briffonio mandavit , uti SC. (a) Auctore Accio Plauto referret in acta . Postremo cum decima jam esset hora , Senatusque mittendus , solemni verbo dixit : Nihil moramur vos Patres Conscripti : statimque omnes conventu soluto, excessere .



PRO-

---

[a] *Senatusconsultum* .



# PROLUSIO II.

## ANTE LOGICAE EXPLICATIONEM

RECITATA III. NON. NOV. MDCCXIII.



Pud Areopagitas lege cautum fuisse, ut ne quis proœmio uteretur in dicendo, refert Aristot. in Rhetoricis : videlicet ne quasi per ambages, & mœandros circumducti Judices tempus absumere, nec sine tædio, cogerentur. Qui enim rem ipsam nosse cupit, huic longum esse omne proœmium, verissime Plato monet (a). Eadem ego lege dicturus huc accessi, AA. O. ne verbis frustra vos onerem flexuosis. Restat igitur, ut eorum, quæ dicenda constitui, argumentum paucis complectar. Sed ne hoc quidem exigi a me nunc volo, aut expectari. Nam antequam selectam mihi materiam propono, ejus seligendæ occasio est exponenda; neque hæc præpostera dicendi ratio videri debet; cum sit operæ pretium, ut constabit, ita exordiri. Dabitur ne hanc mihi

---

[a] μακρόν τὸ προοίμιον τῷ ἐκθεσίῳ ἀνέσται : Plat. de Rep. 4.

mihi veniam AA. ? Sic, opinor, Adeste igitur, atque advertite.

Mense proxime elapso, ( per eos nempe dies, quibus procul a curis, procul a turba, more majorum, Urbem rurę commutamus, partim animi causa, partim ut de viatico in annum iter sibi quisque prospiciat quantum potest ) cum essem & ipse in Sossiano, pomeridianis horis domo pedem extuleram aliquando, flexo jam die; ut consueta inambulatio vires levi corporis defatigatione reficeret, & famem præterea obsonaret in coenam. Erat mecum una Galatinus, vir, si quisquam alius, antiquis plane moribus, & consuetudine non insuavis, iudicio tamen cum in litteris, tum ceteris in rebus & acri, & paullo etiam severiore. Erat præterea T. Annius mihi cum primis carus, immo & omnibus; est enim animo quidem in omnes candido, in amicos vero tam propenso pectore ac fide, ut illi conferas paucos, præferas neminem; nemo veritatis amantior, nemini longius abest fucus: indoles homini, ut Musis amicum decet, suavis ac mitis, & nisi juris tuendi ratio postulet, acerbitalis expers omnino: porro sermo non illepidus; præterea tam innoxie facetus, tam sine felle salsus, ac promptus, ut nulli æque debeant quotidianæ confabulationes.

Hos igitur viæ comites nactus, ambulationem colloquiis mutuis condiebamur: dumque aliud, ut fit, ex alio feritur, de iis, quos in hac sollemni litterarum repetitione proloqui oporteret, nescio qua sermonis traiectione, mentio facta est. Hic Galatinus ad me conversus, Et te, inquit, hoc anno audiemus, philosophico jam pallio indutum; nec dubito, quin gratum aliquid nostris auribus in medium pro more sis allaturus.

Cui ego, utinam saltem aliquid; nam ad hanc usque diem ne animum quidem licuit advertere: neque tu, si recte æstimes, vel potius quia recte æstimas, puto me reprehendes. Immo ego, subdit Annius, reprehensione maxime dignum pronuntio: odi homines, qui

remissius agant, quique si quid instet, usque & usque differant. An vires ipsi suas experti, non temere præfidunt? Equidem ut miror ingenium, sic prudentiam requiro. Consilium ipse mihi optimum duco, prospicere semper in longitudinem: sic enim sum, ne vivere quidem possim, si cogar in diem vivere. Sed quæso te, num ea cura aut postrema esse debet, aut in illud tempus rejicienda, quando civitati redditum vel hora deficiet? Si sapias, hic in antecessum rem feceris. Nam altius hic otium, & pinguius, eoque securius, quod nullo ex vicinia inturbante, nullo arcescente importunius ad januam, placida omnia, & quiescentia: atque utinam pax ista domi foret in civitate, ubi ne meridiani quidem otioso esse licet, ac suo.

Ad hæc ego, Optime tu quidem Anni, neque iverim inficias: verum si meo sis loco, mecum una sentias: tempus mihi hætenus defuit, non ego tempori: alia multo sane graviora studia totum hominem requirebant; atque haud scio, an dieculam adhuc impetrare possim vacivam, & juris mei. Tum ille subridens, Bene habet, inquit; quasi vero nesciam ita solere negligentis animi patrocinium quæri. Nam memini aliquando, cum maxime viderere studiis gravissimis abditus totus, a me tamen ex improvviso superveniente occupatum esse te, qui ageres alia omnia: memini versuculos, nec te fugit: verum parco, quæ mea est humanitas. Sed heus tu, vin' te cura omni, ac molestia vacuum? Ecce tibi consilium a me, quod si sapias, non recuses: Carmen olim a te conscriptum scio, quo, ni fallor, dialectica quædam continentur; meministis? Nempe, inquam, dicis ludicrum illud, quod recens adhuc a Poetarum palæstra exercendæ musæ gratia composui: memini; sed quid tum postea? Et ille, tenes quod loquor; hoc igitur præfationis loco recitabis. An non satis compendiaria hæc tibi videtur via?

Tum ego: Serio-ne, inquam, Anni, suades, ut quod



quod est jam plerisque notum, hoc a me iterum non sine audientium molestia repetatur? mitto alia; nam quod est per se ineptum, id primo gustu, commendatione novitatis, utcumque toleratur; ceterum iteratum, haud jam ferendum fastidium affert: nosti vetus dictum, *crambe bis, mors est*. Immo vero, adjecit ille, *bis & ter quod est pulchrum*, nam & hoc proverbii loco usurpatum scio: tu me vide: musarum deliciae nusquam non gratæ accidunt; ne Catones quidem ipsi recusaverint: Galatinus vero hic si aliter sentiat, dissentio ipse ab eo palam. At me, respondit ille, adversarium non habebis; quamquam enim prorsâ magis, quam versâ oratio mihi soleat arridere, non sum tamen adeo amusus, ut poeticis aliorum studiis audientis non delecter: quare quidquid est, carmen ego non improbo, siquidem in rem quadret: ne vero iudicium feram absque causæ cognitione, carmen istud in præsentia referri, quando per otium licet, libenter audirem: nisi forte est aliquid, quod huic sermoni prævertendum putetis.

Placet conditio, suscepit Annius; poeticis enim rebus ego semper vaco: hoc autem tempore cum sit nihil aliud, quod libenter agere possimus, multo magis aveo audire: locumque simul commostrans a proximis arboribus umbrosum, ac leviter assurgentem in tumulos: *Hæc*, inquit, *statio est gratissima Musis*: hic pauxillum interquiescentes operam dabimus, & recitanti & nobis commodiorem. Equidem ægre adducebar, ut morem illis hunc gererem; videbam enim, quæ juveni multo ante quasi per ludum excidissent, amissa jam novitatis gratia, si qua inerat, & quem ætas conciliaverat, plausu, nihil reliqui habere, quo probarentur. Ipsum præterea scriptionis argumentum apparebat admodum leve, nec vere dicenti mihi, aut illis audientibus aptum satis. Verum instare Annius, increpare moram, & quasi pro imperio edicere, uti cum ista morositate odiosus ne essem.

Cui ego : novi quæ tua sit efficacia , Anni : verum hoc ut obtineas non multum pugnaveris : neque is ego sum , qui diu rogari sustineam , ut nonnemo solet , in speciem recusantis quod maxime cupiat . Sed vide sis modo quid jubeas ; ego enim vestrum utrique habeo gratiam , quod eadem opera & vobis veniam recusandi fastidii , & mihi exigendi sustulistis ; nam neque me decet eo , quod oblatum est , timide uti , neque vos gravari , quod ultro depoposcistis . Mox indicato prius Carminis argumento ( erat hoc Bylthridis Nymphæ Metamorphosis in vocem , ut ajunt , non significativam , quod Vates a Musa sibi relatum narrat dum e Parnasso in Lyceum proficiscitur ) ; nihilque ultra cunctatus sic incipio :

*Magnum iter : ingenti Vatem clamore Lyceum  
Jam vocat , & plausus docta Stagira tui .  
Emerita Aonio dependent plectra sub antro ,  
Et tacitam laurus sustinet alta lyram .  
Addit se sociam numeris gratissima nostris ,  
Claraque Pierii fama Thalia chori .  
Jamque sacros Phœbique lares , Pimpleaque recessus  
Linquimus ; Amphrysi jam patuere lacus .  
Musculus ubi , & placido nitidissima flumine lymphe ,  
Pisæaque quæ virides ripa coronat aquas .  
Aura suo latice invitât adire susurro ;  
Et numeros augent gutture fontis aves .  
Ergo hæc longa via relevat fastidia tellus ;  
Languidus hic fessum ponit uterque latus .  
Ponit uterque latus ; sonuerunt litora circum  
Vocibus , incertos rettulit aura sonos .  
Surgô , & quæ feriant aures vaga murmura lustro :  
Ecce puellares garrula turba chori .  
Fallor ? an incomperto clamabant carmine Bylthrin ?  
Non fallor , nomen Bylthridis illud erat .  
Bylthridis ad nomen responsant litora Bylthrin ,  
Vocali referant antra repulsa sinu .*

Obsta.

*Obstupui, dubiusque animi, quid litora, dixi,  
 Quid pueri Bylethrin, Musa, quid antra sonant?  
 Tum Dea sic quassans lectos e gramino flores,  
 [ In manibus flores alter, & alter erat ]:  
 Bylethris erat, Batto Pholoe quam Nympha creatat,  
 Flumineas inter conspicienda Deas.  
 Hanc olim, Admeti dum pascis Cynthis tauros,  
 Verba doces aptis composuisse modis.  
 Jamque manu citharam, pedibus jam gramina pulsat,  
 Jam jubet argutos antra referre sonos.  
 Sæpe ciet calamis pastos ad flumina tauros,  
 Et decet insuetam fistula sumpta manum.  
 Verterat in silicem Proles Cyllenia Battum:  
 Neo moror hic, certo cognita causa tibi est.  
 Illa diu miseri fato illacrymanda Parentis,  
 Mox pariter fatis illacrymanda suis,  
 Ornabat, vigiles quo solaretur amores,  
 Floribus ah! patria conscia saxa necis.  
 Forte lacus, Amphryse, tuos Tritonia Pallas  
 Advenit; horrescunt AEgis, & hasta manu.  
 Aut vix, aut medius lustrabat Delius Orbem,  
 Sed puto jam medium verterat axe diem.  
 Capta loco, positis clypeo paullisper, & hasta  
 Qua patulum quercus fecerat una nemus,  
 Fasne, ait, o Nympha (senferunt Najades illam)  
 Nos etiam vestris implicuisse choris?  
 Fas reddunt: saltuque omnes librantur in alveum:  
 Pingitur innumeris mobilis unda locis.  
 Ecce autem Delphis sese referebat Apollo  
 Jam non ducturus pastor, ut ante, boves.  
 Arma videt, tum visa rapit, raptisque potitus  
 Carpit iter, gaudens imposuisse Deas.  
 Furta latent alias, sed non te Bylethri, morantur  
 Dum te deliciis gramina picta suis.  
 Diva quidem, vitreis ut erat comitata puellis,  
 Tutâ nimis, Phœbi nescit adesse dolos.*

Ut sat aquæ, choreisque datum, nulla invenit arma :  
Indoluit ; lacrymas vix tenuisse ferunt .

Tum Bylthrin , si forte viram , si forte vagantem  
Vidisset , tulerit qui sua signa , rogat .

Bylthri files , Phœbique dolos , furtumque recondis ;  
Heu nimium patriis docta puella malis !

Pœna tacere jubet : prohibent tua Numina , Palla ;  
Hæret adhuc , duplici distrahiturque metu .

Dixisses utinam ! Nocuere silentia Gnata ,  
Quæ fuerant misero non nocitura Patri .

Sensit enim tacitæ fraudes irata Deæ mens ;  
Et mihi tu , dixit , tu mihi visa negas ?

Utque caput vellet sacra tenuisse Medusa ,  
Quam tenui virga tangere certa fuit !

Quæque , ait , infidi timuisti fata parentis ,  
Te quoque nequitie saxeæ fata manent .

Vox eris : at vocis sonitu nihil improba finges ,  
Supplicio scelere conveniente tuo .

Verba fides sequitur : fleverunt Najades illam ,  
Flevit & invitis ipsa Minerva genis .

Qua potuit socians Echo ad suspiria luctus  
Dicitur e latebris adgemuisse suis .

Me miseram ! clamat Bylthris : respondet & Echo :  
Saxeæ me facies heu manet ! Illa , manet .

Heu potero finxisse nihil ? Nec verius ulli  
Responsura sono reddidit illa , nihil .

Jam lapis est , modo Nympha : genæ riguere : manet vox ,  
Vox manet , at rerum pondera nulla refert .

Quosque vides , pueri docta tutela Minervæ  
Rident , invisum dilacerantque caput .

Palladis augustum potuit quæ spernere Numen ,  
Palladiis merito est invidiosa choris .

Finieram : cum Galatinus , Video , inquit , hanc a me  
gratiam Annio deberi , cujus opera factum est , ut ista  
recitatione amœnissima oblectarer : nam Poema & le-  
poris , & nativæ cujusdam elegantiz plenum est visum ,  
atque

atque ipsi planè versus & fluentes , & enodes . Atqui hoc ego , inquit Annius , prænoveram , sed gratiam non reposco , ne pereat . Pleno tu quidem pectore sapis , cui ista sapiunt ; & Platonem audis monentem , *ne quis hominem Poetam faciat inimicum* . Ille vero , equidem laudare satis non queo ; verum ad Præfationem quod attinet , vix inducor ut affirmem congruere , sive rem , sive locum spectem , sive dicentis personam . Primum enim & muneris tui ratio , & ipsa institutio , recepto jam usa , postulant , ut facultatis tradendæ laudes quam potes amplissime eo loco , ac tempore prosequaris . Hic si tu nobis in scenam prodis cum versibus , vide , obsecro , an opportunius quam , ut ajunt , in Tragedia Comici . Vereor enim , ne qui audituri sunt quamquam scripta quidem ipsa non improbent , te tamen fortasse reprehendant , qui ista recites ; atque ad extremum addant parcemiam , *Belle quidem , sed quid hæc ad Mercurium ?* Deinde temporum etiam nonnulla ratio habenda est . An ignoras , qualis hodieque audiat Peripatetica schola ? quid moliantur Aristotelicæ doctrinæ Adversarii ? quantas adhibeant vires , ut eam deridendam potius , quam excolendam esse sibi vulgus persuadeat ? Nunc vero prævaricatorem habere se putabunt egregium , si quam tu facultatem ornare omni ope debueras , eam isto modo ludos facere existimeris . Quamobrem etiam , atque etiam considerandum censeo , ne nos ipsi nostra imminutum ire videamur .

Quæ cum dixisset ille , statim ego , Sapienter , inquam , ut omnia Galatine , ac pro tua experientis viri prudentia ; tametsi ab iis , quæ modo dicta sunt a te , nonnihil dissentio . Nam quas principio laudes plena manu in me cumulas , audio quidem , sed in animum non admitto : assensus mei suffragium iis impertiri vetat non tam verecundia , quam ipsa veritas . Neque enim tanti mihi sum , ut non intelligam quid humanitate tua , quid mea dignum tenuitate videri possit , aut debeat . Quod autem de Philosophiæ laudibus mones ;

recte quidem : a me vero eo loco nihil plane dicitur ; non quod opportunas esse minime putem : quid enim ? sanus ne essem , qui hac in re clarissimorum hominum consuetudini repugnarem ? sed quod ejus facultatis eximia quædam , & præcellens vis , atque nobilitas major est , quam ut a me prædicari pro dignitate possit ; tum notior ubique , atque illustrior , quam ut debeat ; nisi forte [ quod vetamur veteri proverbio ] Solem lucerna velim ostendere . At , inquires , restat igitur , ut nobis tandem cum Annio conveniat de carmine recitando . Minime vero inquam , neque istuc ego ibam : non deerit quo me vertam aliorsum . Quamquam quod vereris , ne gravitas philosophica damnum faciat inter jocos ; equidem non magnopere pertimesco . Quis non videat quæ dicendi sit occasio , quis modus , quæ ratio , quis finis ? An ab eo derideri philosophia videatur , a quo deinde tam serio sit pertractanda ? Non fit verisimile . At nullus certe inde fructus existet . Immo etiam festiva narratio hilarescentes animos facilius præparat : saltem auditores tantisper frontem exporrigent , postridie scilicet contrahendam , ubi primum campanæ vocem audierint loquentis horam esse gymnasii repetendi .

At non decent ista Philosophum . Cur obsecro Platonem deuit , cur Xenophontem philosophiam vel in convivium deducere , ubi gravissimus certe auctor Varro sermones esse jubet non anxios , & tortuosos , sed jucundos & inevitabiles , & cum quadam illecebra , & voluptate utiles . Ut interim omittam Aristotelem , cui libro de moribus decimo , res agere serias ludi causa stultum videtur , valdeque puerile ; ludere vero ut res serias agas , auctore etiam Anacharsi non esse improbandum . Verum hæc ego hætenus , Galatinè , non tam ut aliquid afferrem contra , quam ut ne nihil dicerem . Facis tu quidem humane , subjecit ille : sed quid iis faciemus , qui captant unde unde occasionem nostra deridendi ? Hos ego , inquam , nihil moror : ut volent rideant , quando ipsis unum hoc est jam super ; ubi tamen  
res

res feret, nos illos remunerabimur quam simillimo munere.

Dum hæc ultro citroque dicerentur, aggredienti mihi alia quædam in eam sententiam intercessit Annius, vetuitque longius & sermonem, & moram protrahi; meque intuens, Ut revertamur, inquit, eo unde dicendo abivimus, de Præfationis tuæ argumento quieto jam & otioso animo esse jubeo. Nam vide quid tibi ego nunc auctor sum, neque defugiam auctoritatem; licebit hanc ipsam colloctionem hodiernam in medium proferre, atque ita, uti peracta est, fide bona enarrare: si nihil aliud, certe vides tibi demptum in hoc opere inveniendi laborem; neque de dispositione quidquam esse cogitandum, cui tantum ea sint recitanda, quæ una pariter, ut res & occasio tulit collocuti sumus; quare ne in eloquendo quidem erit quod labores, quando sermo noster exquisitus esse non potuit, cum fuerit primum, subitarius, atque extemporales, deinde ruri sit absque phaleris & ornata: oratio quoque tua quanto accedet propius ad ejus neglectam simplicitatem, tanto futura est propior veritati; cui potissimum curam, philosophus cum sis, & debes, & habes, ut puto.

Facile persuasit Annius quod suadebat: videbam enim isto modo adeo multum laboris mihi detractum, ut pæne nihil esset relictum. Alioquin si aliud quærerem argumentum, ejus rei vel excogitatio, vel œconomia potuisset ab ingenio neque infimo, neque prorsus indocto postulare tum temporis nonnihil, tum studii; a me vero, præsertim occupato jam alibi satis, istuc præstari nullo tempore, nullo studio posse intelligebam; quando vel huic tam nihilo studii peragendo, cetera studia minus fere quam nihil temporis relinquebant. Hæc tamen ipse mecum in sinu tacitus evolvebam, veritus eloqui palam quæ sentirem: expectabam scilicet ecquid annueret Galatinus? idemne ipsi placeret fieri a me, quod Annium velle videbam? nam penes ipsum ut prærogativam,

tivam , ita & suffragii jus in eo comitio esse oportebat .

Ille autem conjectans quod res erat , animadverto, inquit , quid agatur : nempe ut quod paullo ante minime visum est expedire , idem nunc , licet alio in speciem consilio , vobiscum ego censere velim : tum ut si res forte sequius ceciderit, nostro scilicet consilio factum vel defendi , vel excusari queat . Sed quandoquidem vestrum utrique ita placet , quod ad me attinet, non intercedo ; præsertim cum ea dicendi ratio majorum exemplis destituta non sit. Atque hic & sedendi finis , & sermonis fuit : quem ego vobis , Auditores optimi , ita uti conditum , fide bona recitavi , nullaque mihi certa proposita materia , si minus locum , at saltem tempus implevi . Haud enim raro accidit , ut nihil dicentes , aliquid tamen dicamus ; atque ut in fidibus est quædam manus aberratio sine arte , in qua tamen ars ; sic in præfationibus argumentum quandoque est sine argumento ; & in iis , quæ levioris videntur momenti , aliquid esse solet , quod rem habeat & pondus . DIXI .

L I B R I IV. F I N I S .



DOMI.



DOMINICI  
LUDOVICI  
E SOCIETATE JESU  
INSCRIPTIONES.





# INSCRIPTIONUM CLASSIS I. DEDICATIONES.

BEATAE VIRGINI SINE PRIMAeva LABE  
CONCEPTAE TROPAEVM.

*Neapoli.*

I

D. O. M.

Conceptae sine labe Virgini Deiparae  
Tvtelarivm Avspicatissimae,  
Regiae Familiae, Urbis, Regni Patronae,  
Ob Ivem Neapoli prohibitam,  
Hostem a finibvs,

K2

Redvccemqve , Victoremqve Regem servatvm ,  
 Innvmera qve in dies promerita  
 Grati animi Monvmentvm ac Votvm  
**CAROLO BORBONIO** Rege , **MARIA AMALIA** Regina  
 Piis , Felicibvs  
 Mvnifica largitione iuvantibvs .

## II

Magnae Matri  
 Primigeniae labis immvni  
 Pietas Parthenopea supplex .  
 At tv Virgo Parens  
 Urbem  
 Tvo devotam , tvo sospitam Patrocinio ,  
 Bona precantem , mala deprecantem  
 Clemens avdi , Potens iuva  
 Praesens tvere .

## III

Virgo  
 Primaeva procul labe in Conceptv Sancta,  
 Erebi  
 Sine vulnere victrix ,  
 Sine pygna triumphatrix ,  
 Tibi  
 Hvivs Templi tvtelae  
 Argentevm in Ara Signvm  
 Marmorevm in Area Tropaevm  
 Semper vbiqve devota  
**SOCIETAS JESV P.**

*Interocrea in Vestinis.*

## IV

Sacrum Magnae Virgini Templum  
 Artificum incuria  
 Terraemotus iniuria  
 Bis collapsum,  
 Ornatis atque augvstis  
 Cleri Popvliqve sumptu pnblico, pnblica pietate  
 Bis excitatum  
 Illvstris. D. Bernardinus Gvinisivs Archiep. Reatin.  
 Sollemni ritu dedicavit  
 An. Rep. Sal. . . .

*Ibidem*

## V

Templum hoc  
 Magnae Matri semperqve Virgini dicatum,  
 Gemina labefactatum rvina,  
 Qvasi gemino fvctum fato,  
 Svis prope e rvderibus redivivum  
 Adnitente Ven. P. Antonio Baldivccio Soc. Jesv  
 Coeptum primo evectumqve,  
 Collapsum rursus,  
 Splendidus deniqve largitione pnblica  
 Cleri Popvliqve pietas  
 Excitavit, perfecitqve.  
 Tvm tv Virgo

Qvam

Qyam tibi Interocrea amanter AEdem sacrat,  
 Illam posthac a rvinis immvnm,  
 Cevqvondam intactvm a flammis rvbvm,  
 Perpetvo serva.

FESTO DIE SS. TRIADIS.

VI

SS. Triadi

Vni ter maximo Deo

Sacram festo die pompam

Dexter adi, svbi svplex

Rex ter Optime ,

Hoc avspice

Regnvum feliciter initvm

Habebis felicivs .

*Neapoli*

VII

AEdem hanc.

Ancillae, Reginaeqve Ancillarvm Tvtelari

Sacram ,

Qvo niteret avgvstivs

Anno Salvts CIDICCCXXIX.

Tectorio , Encarpiſ , Pictvris , avrata Corona

Basilice ornandam aere svo cvravit

Nicolavs Scacchi

AEdis accola , Virginis cvltor.

**Eandem**

DEDICATIONES.

65

Eandem

A Terraemotv Anni CIDICCCXXXII.

Squalidam , fatifcentem , rvinofam

Tenax propofiti, obfeqvii tenax

De fvo reftavrat, a fvndamentis perpolit,

Splendoriqve reddit priftino

Anno Salvts CIDICCCXXXIII.

VIII

D. O. M.

Aram Diva tibi, tvmvlvvm fibi Barbara ponit;

Excipiat cineres vræa , fed ara preces.

S. Mariæ Magdalenæ de Pazzis

Aram,

Sibi fvisqve

Tvmvlvvm

Barbara . . . . .

Mortalis vitæ, immortalisqve memor

P. An. CIDICCCXXXI.



E

IN

IN SOLLEMNI POMPA SS. MAVRI, PANTALEONII,  
AC SERGII TUTELARIVM VRBIS  
VIGILIARVM.

## IX

M e dvce , Pantaleo , cumqve illo Sergivs vnv M  
A gnovere Devm , pompisqve , avlaqve reliet A  
V itavere nefas , & falso Nvmina cult V .  
R egivs havd valvit ivvenes avertere terro R :  
V ltro animam posvere tvo , Traiane , sub ict V :  
S idera nvnc , Caelvmqve tenent , sedesqve beata S .

## X

M avre decvs patriae , tvtamen Mavre tvorvm M  
▷ vspice qvo facilis dvcit ad astra vi▷  
△ rbis ades Cvstos , & laeto mvnera vult △  
▷ espice , qvae noster nvnc tibi praebet amo▷  
△ tqve tvo liceat Caelvm pertingere dvct △  
is precor vsqve tvi cvra , salvsqve Gregis

## XI

▷ one tvas , Traiane , minas : qvid saeve svperbis ?  
▷ nne pvtas animvm flectere posse mevm ?  
Z on me blanditiae capiant ; non mortis imago  
T errear : impavido stat mea corde fides .  
▷ spera quaeqve ivbe infligi tormenta ; svbibo  
T actior : ipsa etiam mors mihi mvnus erit .  
M rgo feras , flammisqve para , ferrvmqve , crvccmqve  
O mnis erit nostro pectore poena minor .

Te



## XII

Tene palæstinis Bethlem produxit in oris,  
 Qui nobis custos, Mavre, futurvs eras?  
 Vnde salvs orbi, Domino nascente, refulsit,  
 Inde salvs nobis, praesidivmqve venis.

## XIII

Vna fides animos caelesti foedere iunxit,  
 Vna tribvs leti fors fuit, vna dies.  
 Ergo vnvs pariter, populo plaudente, triumphvs  
 Omnibvs institvi debvit, vnvs honor.

## XIV

S erta mihi, palmasqve parant, Caeleoque triumphvm,  
 E gregivm, qui me cogvnt pro Nvmine vitam  
 R eddere: quique flvit secto de corpore sangvis  
 G ermine surgentes felici ad sidera lavros  
 I rrigat; & nostrvm transmittit nomen olympto:  
 V ndique membra igitvr dimanent sanguine; quando  
 S angvinis effvsi pretivm Deus ipse futurvm est.



SUB IMAGINE OMNIUM ANTIQVISSIMA B. VIR-  
GINIS, CUI AGNOMEN *A Principio*.

*Neapoli*

XV

Quae nobis referat sacros in imagine vultus,  
Artifici haec prima est picta tabella manv.  
Haec te, Virgo, refert; primos cui sacrat amores  
Parthenope, auspiciis tam bene nixa tuis.  
Castoras illa prius cultu celebrabat inani;  
Supplicat en cultu iam meliore tibi,  
A te Principium nostrae sit, Diva, salutis,  
Sis pariter nostrae metaque, duxque viae.

SUB IMAGINE DEIPARAE PRIMIGENIAE  
LABIS EXPERTIS.

XVI

OMNES IN ADAM PECCAVERUNT.

*Anagr. puriss.*

PECCAMVS: VNA DEI MATER NON.

PECCAMVS. Quid enim miseris, hisi vera fateri  
Restat, & aetatis crimina flere suae?  
Perdita progenies primaevi labe Parentis,  
Heredes culpa, suppliciiqve sumus.  
VNA DEI MATER NON vlli obnoxia culpa est:  
Dignior vna suo nempe Parente Parens.

SUB

DEDICATIONES.

59

SUB IMAGINE SANCTISSIMAE VIRGINIS  
CONCEPTAE.

XVII

Tristia sunt aliis, tibi candida limina vitae:

Numinis hic Matrem nempe decebat honor.

Vicerat antiquam serpens malus ille Parentem;

Mordet huius domitus nunc pede, Diva, tuo.

SUB IMAGINE VIRGINIS IN TEMPLO  
PRAESENTATAE.

XVIII

Templum Virgo subit, sed templo augustior ipso:

Hoc homines, illam condidit ipse Deus.

SUB IMAGINE VIRGINIS AD ELISABETH.

XIX

Quot bona fert Virgo, agnatam dum visit Elisam!

Vise, precor, nostram sic quoque, Virgo, domum.

SUB IMAGINE VIRGINIS PARIENTIS.

XX

Virgo parens tanto fortunatissima Nato:

Terra, polusque illi supplicat, ipse tibi.

E 3

SUB

SUB IMAGINE VIRGINIS AB ANGELO SALVTATAE

*Sub Angelo saluante.*

XXI

Virgo Deo iam plena, Deo gratissima, salve:  
Annue: concepto Numine, Mater eris.

*Sub Virgine saluata,*

Ecce ancilla; Deo si fiat sententia, fiat;  
Quod iubet ille, placet; quo vocat ille, sequor.

SANCTORVM ALOISII GONZAGAE, ET STANISLAI  
KOSTKAE E SOCIETATE IESV FACTA PLE-  
RAQUE ILLVSTRIA EMBLEMATIS EX-  
PRESSA IN SOLLEMNI APO-  
THEOSEOS POMPA.

XXII

SANCTVS ALOISIVS GONZAGA.

I

*Nulla cupiditarum motu, aut mentis evaga-  
tione tentatur.*

Distrahitur numquam Gonzagae fixa Deo mens:  
Tanguntur nullis corda cupidinibus.  
Mortalem reat hunc, an de Caelestibus vnum,  
Tam bene qui mentes aequat, Olympe, tuas?

*Acti-*

## 2

*Acriter innocens corpus excruciat.*

In te cur tantum, labis Puer inscie, saevis?  
Quid loquor? haec non est saevities, sed amor.

## 3

*Singularis oculorum custodia.*

Femina nulla umquam Gonzagae visa. Recusas  
Credere? nec Matris viderat ora suae.

## 4

*Puellae umbram osculari refugit ex ludi lege.*

Ore puellarem iussus, dum luderet, umbram  
Tangere, cum viso territvs angve, fugit.  
Gonzagae memorent alii palmasque, decusque:  
Victricem satis est hanc mihi nosse fugam.

## 5

*Ad B. Virginis aram vovet Virginitatem.*

Virgineo Superis placuisti, Diva, pudore:  
Hunc tibi dum voveo, Diva, placebo Puer.

## 6

*B. Virginis voce ad Societatem advocatur.*

Matriti orantem castris dare nomen Iesu  
Te, Gonzaga, iubet Virgo, iubensque iuvat.

## 7

*Principatum Fratri resignat.*

Sceptrum, & opes Fratri cedit Gonzaga Rodolpho,  
Nobilior positis fascibus Imperii.

## 8

*Inter nocturnas preces deficitur viribus.*

Nocte vigil precibus quam longas extrahit horas!  
Dum calet igne animus, frigore corpus hebet.

## 9

*Mentem iuberur a divinis rebus avertere.*

Parce queri, Gonzaga, Deum quod amare vetaris;  
Maior ab obsequio est, qui bene cessat, amor.

## 10

*Eius imago manu flagra gerens, & lilia.*

Flagra gerit mihi dextra, gerit quae lilia: menti  
Scilicet e fuso sanguine candor inest.

## 11

*Afflatis peste inservit.*

Peste laborantem obsequio se devovet ultro  
Gonzaga, & pulchra morte perire cupit.

S. Maria

## 12

*S. Maria Magdalena de Pazzis Aloisii, non-  
dum in Beatos cooptati, vultum  
pictis radiis ornat.*

Addere quid dubitem radios? vidi ipsa corusco  
Gonzagam Superis ore nitere parem.

## 13

*Mulier sordiditatem, alteri caecitatem auferit:*

Haec sorda, hic caecus prece te, Gonzaga, fatigant.  
Nec frustra: haec audit protinus, ille videt.

## 14

*Sacrae lampadis oleo, puer morbo, mater obsi-  
dente daemone liberatur.*

Morbus habet puerum, matrem malus hospes averni;  
Gonzagae auxilium tristis uterque petit.  
Ast oleo lychni, ante aram qui pendet, invecti,  
Gonzagae auxilio sospes uterque redit.

## 15

*Aloisius Inventuris Exemplar, & Patronus.*

Exinde preces, da turea dona: Aloisius hic est,  
Quem tibi praestitvas, cuncta Inventura, ducem.  
Illius exemplo, via quae tutissima, disces:  
Docta viam carpes illius auxilio.

S. STA-

## XXIII

## SANCTVS STANISLAVS KOSTKA.

1

*Divino amore aestuat.*

Ferte citi lymphas: divino pectus amore  
 AEstuat: ardentes temperet vnda faces.  
 Fallimur. Affusa nullus restingvitur vnda,  
 Assuetus lacrymis crescere divus Amor.

2

*A Paulo Fratre male divexatur.*

Quæ nunc, Pavle, manu Fratrem virtute molestum  
 Vexas, hac Fratri supplice tura dabis.

3

*Decumbenti B. Virgo Divinum Infantem por-  
 rigit, & ad Societatem Iesu invitat.*

Virgo Parens Natumque suum tibi, Kostka, frvendum  
 Exhibet, & Nati sub sacra signa vocat.  
 Maeste hac sorte, Puer fortunatissime; nam quo  
 Mortali votis altius ire licet?

4

*Societati nomen daturus aufugit domo.*

Solus, inops Patriam nunc, Stanislae, relinquis;  
 Quid te votis expetet illa suis.

Cum



5

*um mendiculo vestes commutat.*

Pannoso indutus, mendicem donat amictu  
Kostka suo; & cultu gaudet uterque novo.

6

*Danubium sicco pede traiecit.*

Instat equis Frater: mora fluminis obstat evnti;  
Sed fluvium sicco traiecit ille pede.

7

*Tartareum molossu fugat.*

Stanislae, canem stygium cave. Spernit hiantem  
Kostka; sui victor, nil timuisse potest.  
Nequicquam terras invenem, canis improbe; nam te  
Qui vicit blandum, non timet ille ferum.

8

*Angelorum ministerio Eucharistia reficitur.*

Qui te Caelesti recreat dape missus olympo  
Aliger, hic socivm te docet esse suum.

9

*Assumptae Virginis die emori cupit.*

Luce sacra tibi, Virgo, mori cupioque, precorque;  
Quae timor est aliis mors, mihi munus erit.

*Mori-*

## 10

*Moribundum B. Virgo evocat in Caelum.*

Virgineo stipata Choro te Mater olympo,  
Kostka, vocat : gaudens annvis, & moreris.

## 11

*Humi abiectus optat mori.*

Nuda corpus humo moribundus Kostka locari  
Expetit, ex humili cellior usque loco.

## 12

*Leopolim a conflagratione liberat.*

Flamma furit : penitusque Leopolis ardeat, vrbi  
Ni subitam praestet Kostka rogatus opem.

## 13

*Letali morbo laborantem sanitati reddit.*

Pressa gravi morbo, & fato vicina, repente  
Dum tua, Dive, colo lipsana, convalvi.

## 14

*Tres pueros, puteo, flumine, lacu demersos eripit.*

Amne, lacu, puteo Pueri merguntur ; at omnes  
Vitae, Kostka, tua restituntur ope.



## 15

*Polonis victoriam impetrat adversus hostium  
copias innúmeras.*

Innumeros hostes felici Marte Poloni,  
Sed te de Caelo, Koska, iuvante, fvgant.

## XXIV

SUB SIMVLACRO CHRISTI D. IN CRUCE SVFFIXI.

Cvm te, cvmqve tvvm, rerum dvlcissime, pectvs  
Aspicio, atqve oculis vvlnera cara meis,  
Tunc dolor ex imo revocat svspira corde,  
Et totvm in lacrymas cor abiisse cvpit.  
Sed tamen & lacrymis nihil est mihi dvlcius istis,  
Et dolor est animo carior vsqve meo.  
Gaudia quid facient, patrio cvm reddar Olympo,  
Si tantvm in terris me beat ipse dolor?

## XXV

SUB EFFIGIE S. IOANNIS NEPOMVCENI.

Tunc mevm, Rex, tunc animvm tentare, fidemqve  
Speras blanditiis, avt temerare minis?  
Eripere humano potes hanc e corpore vitam;  
Eripere e sacro non potes ore fidem.  
Stvlte, fidem, nomenqve mevm nulla obrvet vnda,  
Nulla tvvm poterit dilvere vnda nefas.

D.O.M.

## XXVI

D. O. M.

Christo Regi,  
 Regum auspici, largitori felicitatis,  
 Hospiti amoris, amoris ferculo  
 In sollemni Urbis Ivstratione  
 Festam Aram, triumphalem pompam  
 Ordo, Populusque Neap.  
 An. CIDICCCXXXVIII.

## XXVII

Deo homini,  
 Mortalium Convivae immortalis,  
 Urbem festa supplicatione Ivstranti  
 O. P. Q. Neap.  
 Quisquis es  
 Fvnde preces, adde vota, pronus adora.

## XXVIII

REDEVNTE POST DOMITAM SICILIAM CAROLO  
 REGE IN SOLLEMNI POMPA.

CAROLO BORBONIO vtriusque Siciliae Regi  
 Pio, felici, Victori,  
 Re bene gesta Neapolim redvci  
 Obscqvia, gratvlationes, plavivs.

ADVE-

## XXIX.

ADVENIENTI NEAPOLIM M. AMALIAE REGINAE.

Vive felix , vive div,  
 CAROLE Rex , M. AMALIA Regina:  
 Vestra falvus , nostra falvus:  
 Nodo iunctos Nuptiali  
 Boni fervent Superi.

## XXX

SUB IMAGINE S. IANVARII IN  
 EADEM POMPA. .

Avspice te , sospes Regina advenit : eodem  
 Avspice te , Regvm , Dive , sit illa parens.

## XXXI

*Aversae.*

Salve o

Regis filia , Regis vxor , Reges paritvra.  
 M. AMALIAE Reginae  
 Averfani Cives  
 Obsequia , plavfus , & vota.



XXXII

Io ! Regina,  
I Caelo avspice,  
Confors tori , confors Regni,  
Perpetvae confors felicitatis .

XXXIII

CAROLO Regi, M. AMALIAE Reginae,  
Nodo iunctis Nuptiali,  
Festam pompam , festam acclamationem  
Pro modo ,  
Amorem sine modo  
Patricii Aversani .



86

# C L A S S I S II.

## M O N U M E N T A.

*Neapoli.*

I

D. O. M.

Nobilis accedas huc Parthenopea Iuventvs;  
Panditur ingeniis docta Palæstra tvis.  
Hinc regere, & pelagi varia in certamina classẽ  
Instrvere, & toto vincere disce mari.  
Sic tegat vt patriam virtvs, ac terreat hostem,  
Svbsidivm belli, præsidivmque domi.

Gymnasivm hoc  
Ad omnem bellicæ rei navalis disciplinam  
Legibvs munitvm, avctvm honoribvs,  
CAROLVS BORBONIVS vtrivsqve Siciliæ REX  
Pivs, Felix

Nobilibvs Ephebis erudiendis,  
Classiqve opportunè præficiendis  
Institvi ivssit,  
Qvo Regna feliciter recepta,  
Oris maritimis ab hoste tvtis,  
Felicivs retineret.

An. Sal. MDCCCXXXVIII.

E

*Ibidem*

*Ibidem*

## II

D. O. M.

CAROLO BORBONIO vtrivsqve Siciliae Rege  
Orae maritimae tvendae,

Prædonvm prohibendis incvrsionibvs,  
Parata ne desit classis,

Classi parandae procincta ne desit manvs,  
Præfectiqve Classiariis,

Hac rei bellicae navalis palæstra  
Selectae Ordinis Eqvestris ivventvtis

Nauticae militiae artibvs imbvendae,

Regio ivssv , regio svmpstv , regia magnificentia

Opportvne provisvm

An. Sal. CIDICCCXXXVIII.

Josepho Ioachimo de Montallegre svpremo Regni Administro.

*Tarenti*

## III

Carignanorvm Familiae Patriciae Tarentinae  
Gentilitivm hoc stemma,

Arcvi Carignano , avitae nobilitatis monvmento,

Olim affixvm,

Disiecto deinde arcv

Ob extrvendam Orphanarvm Domvm S. Michaeli dicatam,

Grata pietas hvc transvltit Anno CIDICCCXXX.

Tvm



MONUMENTA.

82

Tvm tv Lapis

Antiquvm Carignanae Gentis

Recensqve FRANCISCI CARIGNANI benemerentis.

Nomenqve , decvsqve

Testare Posteris .

IV

D. O. M.

Arpinum

A CAROLO BORBONIO vtrivsqve Siciliae Rege

Civitatis ivre donatvm , ac insignibvs avctvm

Anno Chr. CIDICCCXXXIV.

Testem beneficii , grati animi testem

Lapidem hunc monim. P.

Anno CIDICCCXXXV.

Arpino dederant Tvlli cynabvla famam ,

Iam decvs a CAROLI mvnere maivs habet .

V

Nec fraudi bonis innocentia ,

Nec impvne malis culpa esto.

MARIO TVPO Vrbis Practore

Integritas , Fides , Ivstitia

Rebvs praesunt Vrbanis.

*Bovini*

## VI

Villam hanc

Bovinensium Ducum oblectamentum

CAROLVS BORBONIVS Rex

Bis dignatus hospitio

Maestate implevit sua,

Semel an. CIDICCCXXXV....

Iterum an. CIDICCCXXXVI....

*Ibidem*

## VII

Villa eram Rustica

Bovinensium Ducum venationi facta,

Sed CAROLI BORBONII Regis hospitio bis dignata,

Villa sum plusquam urbana,

Regia sum Villa.

Ante hac deliciis, tanto nunc Hospite clara,

Iam videor Domino carior esse meo.



*Tarenti*

VIII

Fontem hunc  
 Adveſto marmore , aqua deducta ,  
 Publico , praefertim Pauperum , commodo ,  
 Aere ſuo conſtruxit  
 D. NICOLAUS VLMVS Patricivs Tarentinus ,  
 Civitatis Syndicvs An. CIDI CCCXXXIV.  
 Utque perennet beneficium ,  
 Certum ad ſarta teſta cenſum attribvit :  
 Quisqvis es  
 Frvere lactvs , bibe gratvs , abi memor :

*Ibidem*

IX

D. O. M.

Quiqvi Cives , quiqvi advenae  
 Adeſte , havrite :  
 Urbis ornatvi , Pauperum commodo ;  
 Omnium vſvi , & oblectamento ,  
 Fontem aere ſvo adornat ,  
 Annoque cenſu attributo perennat  
 D. NICOLAUS VLMVS Patricivs Tarentinus ,  
 Civitatis Syndicvs An. CIDI CCCXXXIV.

IN POMARIO MASSAE LVBRENSIS, VBI ARIDA  
PYRVS VEN. P. FRANCISCI DE HIERO-  
NYMO VOCE, ET IVSSV REVIRVIT.

## X

Arveram caedenda Pyrus : Francisce, revixi  
Lactior a iussu, fertiliorque tuo.

*Idem*

## XI

Francisci virtute redit vis perdita : fructus  
Francisco debe, quisquis es, & frvere.

DISTICHA PICTVRIS APPOSITA EXPRIMEN-  
TIBVS QVATVOR ANNI TEMPESTATES.

## XII

*Ver*

Quid quæreris, quod Vere brevis sit gratia florum?  
Hic stabili florum gratia Vere nitet.

*Æstas*

Avrea matris flavescit frugibus Æstas;  
Sed ne sit capiti noxia, sole caret.

*Autum:*

*Autumnus*

Autumno praeunte, vides hic poma: sed illa  
Sunt oculos tantum pascere nata tuos.

*Hiems*

Moeret Hiems alibi, nivibusque, & frigore tristis;  
Blandior hic omni tempore ridet Hiems.

## DISTICHA HOROLOGIIS SUBSCRIPTA:

## XIII

## HOROLOGIVM TRIPLEX.

Hora sono, numero, geminaque hic discitur umbra;  
Hora ne te triplici fallere teste queat?

*Idem*

Aera procul sonitu, numeris prope ferrea lingua,  
Solque notat gemino tempora certa stilo.

## XIV

## HOROLOGIA SCIOTHERICA.

## 2

*Italicum*

Italvs occasum solis denuntiat umbra,  
Dum quota transferit temporis hora, docet.

<sup>2</sup>  
*Babylonicum*

Ostendit primvm solis Babylonivs ortvm,  
Exhibet appositis dvm sva signa notis.

<sup>3</sup>  
*Astronomicum*

Incipit Astronomvs nvmeris distingvere tempvs,  
Dvm Caelvm medio Cynthivs orbe tenet.

<sup>4</sup>  
*Iudaicum*

Antiqvvs totidem, sed non aequalibus horis,  
Tempora distribvit per dvodena dies.



29

C L A S S I S III.  
TITVLI FVNEBRES,  
E T  
E P I T A P H I A.

*Neapoli*

I

HIPPOLYTAE SPINELLAE  
Principvm Filiae , Principvm Matri,  
Principis Vxori  
[ Hem! qvø tandem Hvmana recidunt ]  
Ivsta Fvnebria.

II

Occidis Hippolyta, & terras iam debita Caelo  
Deseris : hoc Pietas , hoc tva facta probant.  
Nos tamen hev! cvpidosqve tvi, vidvosqve relinqvis,  
Tam bene qvos concors iunxerat vsqve Fides:  
Nvnc & amoris habø testem, testemqve doloris  
( Nam qvid adhvc svpereſt? ) & tvmvlvm, & lacrymas.

Vxori vnanimi bene-meritae  
Conivx exanimis bene-memor.

Nec

## III

Nec mihi nobilitas, triplici quam stemmate claram  
 Exhibet hinc Conivx, hinc Pater, inde Parens;  
 Nec mihi praedives, maiorum munere, census  
 Desvit: esse tamen ducimus ista nihil.  
 Vna mihi Pietas tanti est: haec proffit vna;  
 Hinc decus, hac certo scandimus Astra gradv.

Praeivi moribus,  
 Monitis praeo  
 HIPPOLYTA SPINELLA.

## IV

Quid me praereptam fato lvetis acerbo?  
 [ Vix numerant anni ter dvo lustra mei ]  
 Non eadem est annis, eadem Virtutibus Aetas;  
 Me iuvenem, Virtus plurima fecit Anvm.

Quisquis es  
 Ne illacrymes ablatae,  
 Cui virtus plaudit lavreatae.

## V

Si Genus, aut Virtus umquam subducere leto  
 Mortales possent, viveret Hippolyta.  
 Extinctam ne rere tamen: quam maluit ipsa  
 Par Superis vitam vivere, vivit adhuc.

Indepta scilicet vitam  
 Exvta mortalitate  
 Immortalem

Tvmv



## VI

Tumulvm spectas honorarivm  
 HIPPOLYTAE SPINELLAE  
 Summis Natalibvs , summis Virtutibvs ,  
 Summi Viri Conivgio vnanimi  
 Clarissimae ;  
 Religione in Devm , vigili prvdentia suos ,  
 Benignitate in pauperes , Hvmanitate in omnes  
 Eximiae ;  
 Animo nec adversis fracto , nec secundis elato ,  
 Inter Avlae blandimenta , inter aspera valetvdinis  
 Pie , constanterqve semper immoto :  
 Tu cave , mortem incvses acerbam , saevam ,  
 Qvod aevo dignam divitvrno  
 Trieteride vix dvm decima svstulerit .  
 Satis div vixit , quae vixit bene .

## VII

## HIPPOLYTAE

Virtutis , Fortunaeqve bonis , raro foedere , summis ,  
 Qvod Urbanis in officiis Divini memor obsequii ,  
 Domesticis in curis orandi addicta studio ,  
 Sese rebus hvmanis  
 Commodaverit in loco , donaverit numquam ;  
 Qvod divexato sponte , pieqve corpore ,  
 Refecto Eucharistica Dape frequens animo ,  
 Vitae asperitatem Caelesti svavitare delinierit :  
 Qvod

Quod supremo conflictata morbo , diviturno , gravi ,  
 Nullo mortis metu , vitae spe melioris  
 Erectum usque gesserit animum ,  
 Exploratae Virtutis ,  
 Exercitae Patientiae  
 Monumentum .

# VIII

## HIPPOLYTAE

Paterno genere ex Principibus S. Georgii Spinellis ,  
 Materno ex Principibus Ariciae , Capua ,  
 Aloisio Sanseverino Bisinianens. Principi Nuptae ,  
 Quod  
 In summo rerum fastigio ignara fastigii ,  
 Cultumque magis animi sectata , quam corporis ,  
 Naturae , fortunaeque dotibus  
 Non se devinxerit ,  
 Sed illas sibi ,  
 Cultae Modestiae  
 Monumentum .

# IX

## HIPPOLYTAE

Nobilissimi Stipitis inclytae Soboli ,  
 Quod  
 Virtute fortunam ubique regente ,  
 Fortuna virtuti semper obsecundante ,  
 Suum Pauperibus commune fecerit ,  
 Solita etiam quotannis  
 Egenis

Egenis tribus veste donatis , mensaeque adhibitis  
Matronali comitate sedula ministrare,  
Piae Liberalitatis  
Monum.

X

*Sulmone*

Funebria spectas ;  
Cui parentetur , quaeris ?  
Virtutum concentu clarissimum  
Alumnum , Parentem , Patronum  
Virtutes lugent creptum  
GREGORIUM CARDUCCIUM :  
Nosti reliqua .  
Tu vero  
Ni virtutis es expers ,  
Siccis oculis nē abito .

XI

D. O. M.

GREGORIO CARDUCCIO Pelignorum Ep.  
Meritissimo  
Ob eius eximia in se merita  
Patrono, Auspici,  
Ob insignes amoris notas  
Parenti Optimo,  
SOCIETAS IESU  
Numquam positura laetum  
Posuit.

Iaces

## XII

Iaces GREGORI !

Heu quanto mortis crimine,  
 Quanto tvorum gemitu,  
 Virtutisque damno iaces !

SOCIETAS IESV

Tibi

Lvgvbre hanc pompam,  
 Testem amoris, testem doloris  
 Instituit.

## XIII

IN TEMPLO DOMVS PROFESS. S. I.

*Neapoli*

D. O. M.

Societatis Iesv amantissimvs  
 Societati servandvm cor tradit.  
 Tv Marmor elingve, non excors,  
 Hoc palam oculis explica;  
 Nomen avribvs indica tantvm,  
 D. TIBERIVS BRANCACCIUS.

D.O.M.

XIV

D. O. M.

D. DOMINICO ANTONIO CIRILLO Ep. Thean.

Societas Iesv ob eius egregia in ipsam merita

Sacellvm hoc grati animi argvmento

Gentilitivm addicit:

Nulloqve iam ex agnatis Cirillis (hev fata!) superflite,

Addictvm esto

D. Francisco Piro Marchioni Trilingvae,

Eivsqve in aevvm posteris virilis tantvm sexvs.

Ipsø D. Dominico Antonio Cirillo petente,

Societate Iesv annvente,

Lapide hoc rei teste, oblivionis vindice

An. Sal. CIDICCCXLII.

XV

Lacrymas si negas, ne perlege: --

Lapis iste

IULIANVM IOSEPHVM DE PALMA,

Thomae de Palma V. I. C. Filivm,

Tegit

Ante lucem, ne dvm ante diem raptvm,

Nempe LII vix dvm die expleto.

Proh fatvm!

Vel primo ridentis aevi flore, fletvm excvtit.

Amantissimvs Parens

Patrio amorì, Filii cineribvs

Factvrvs satis

Pectore privs conditvm, condidit & tvmvlo

IV. Kal. Decemb. An. Sal. CIDICCC.

Ivii2-

## XVI

IULIANVS IOSEPH DE PALMA,  
 Breves Parentvm deliciae,  
 Altero & quinquagesimo vix dvm expleto die  
 Ab vbere ad fnvs,  
 Ab vtero paene ad sepvlchrvm  
 Acerbo nimivm fato abreptvs,  
 Hac doloris, & amoris vrvla continetvr,  
 Qvam  
 Maestissimvs Pater Filio dvlcissimo P.  
 IV. Kal. Decemb. An. Sal. CICIICC.

## XVII

D. O. M.

D. IVLIAE MORRAE Conivgi Cariss.  
 D. Fabricivs de Silva dolori svperstes  
 Lapidem hvnc  
 Amoris indicem, vindicem oblivionis P.  
 Vixit An. XXXIV. Obiit VI. Id. Maias CICIIDCCXVII.



XVIII

*Æsernie.*

D. O. M.

D. Iulivs de Andrea Saffani Dominvs  
 Vitam inter adverſa perpetuo actam  
 AEqvo ſemper animo, & conſtanter immoto  
 Ad amvſſim virtutis expolivit.  
 Morte occupatvs ſibi non immatvra, bonis peracerba  
 Obiit AEt. An. III & LX. Sal. . . . .  
 Viro vnanimi Conivx amantiſſima  
 ..... P. Ann. . . . .

XIX

*In oppida S. Eraſmi ad Nolam.*

D. O. M.

Vt quorum animos pia iunxit Sodalitas,  
 Eorum cineres eadem iungat ſepvltvra,  
 Hoc extructo ſepvltvchro proviſvm An. CIOIOXXXVI  
 Adminiſtrantibvs Sodalitii Rem  
 D. Io. Baptiſta Roſſi, & Salvatore de Lavro.



## XX

SACERDOS N. N.

Mortalitatis non immemor, memor immortalitatis,  
 Mortis nec metvens, nec securus,  
 Se tumulo, sibi tumulum  
 Vivens parat.

Inanem posuit An. Sal. CIDICCCXXXIX.

Pleno est compositus Anno Sal. . . . . AEt. . . . .  
 Quisquis es

Nē lacrymis decora, prece releva piaculari.

## XXI

*In Oppido S. Anastasia.*

D. O. M.

D. Francisci Xaverii Tutelaris,  
 Civis obsequio extructum facellum,  
 Festusque dies sollemni pompa sacer,  
 Ut Clientelam

Cineres quoque Piorum sentiant,  
 Hic ante aram

Sepulturae ius esto

Tum Ecclesiasticis Sodasitio adscriptis,  
 Tum ceteris, quique fuerint, praeclare meritis.

Ita cautum An. CIDICCCLIII.



XXII

Stabii.

Siccine mors festina rapit te, Nate, Parentis  
Deliciaeqve breves, perpetvvsqve dolor !  
Non valui infelix vitae dare longivs aevvm;  
Qvod valeo, aeternvm do tvmvlvm, & lacrymas;

Iulia Como Filio dvlcissimo,  
Qvatrimvlo e vivis raptō,  
Angela Galeota Mater amantissima  
Maerens, memor P. An. CIDICCXLIII.

XXIII

D. O. M.

N. N. vita fvñctvs an. . . . .

Qvid moneat Mors picta rogas? ne quaere: doloris  
Vvlnera tractari rursvs acerba timent.  
Perpetvo certe dignvm qvi viveret aevo,  
Extinctvm nollet credere Fama virvm.  
Perstat, & ipsa svo accedens cev pompa tropaeo,  
Fvneris vsqve facit Mors prope iuncta fidem.



*Sub imagine*

CL.V. IOANNIS BAPTISTAE VICI.

**V**icvs hic est: potuit vultum depingere Pictor:  
O si quis mores posset , & ingenium!

**F I N I S:**

# CLEMENS COPPOLA

PRÆPOSITUS PROVINCIALIS SOC. JESU

In Regno Neapolitano.

**C**UM librum , cui titulus *Dominici Ludovici e Societate Jesu Carmina , & Inscriptiones* , aliquot ejusdem Societatis Theologi , quibus commissum fuit , recognoverint , & in lucem edi posse probaverint , facultate nobis a Patre nostro FRANCISCO RETZ Præposito Generali communicata concedimus , ut typis mandetur , si ita iis , ad quos pertinet videbitur. In quorum fidem has litteras manu nostra subscriptas , & sigillo Societatis nostræ munitas dedimus . Neapoli die 14. Sext. **CIDIDCCXLVI.**

*Clemens Coppola :*

EMINENTISSIMO SIGNORE.

**P**ietro Palumbo Stampatore supplicando espone a V. Em. come desidera dare alle stampe un Libro intitolato *Dominici Ludovici e Societate Jesu Carmina , & Inscriptiones, Opus Posthumum*. Per tanto supplica la benignità dell' Em. V. commetterne la revisione ; e l'averà a grazia , ut Deus &c.

*Rev. D. Jacobus Martorelli Græcæ Lingua Professor in Reg. Univers. Neap. revident , & in scriptis referat . Datum Neap. ex Palat. Archiep. hac die 4. Novembris 1746.*

*Can. Th. Rogerius pro Illustriss. Dom. Can. Dep.*

**P**Auci admodum poeticam artem ad sacra vel saltem ad *admodum* avertere student , tamquam elangueat atque emortua sit , nisi si inter *epulenta* circumscribatur : *P. Dominici Ludovici Soc. Jesu Carmina* omnis venustatis plena sunt , dictionemque purissimam , ac tersissimam servant , quamvis eorum materies ab nimia *vulgarioria* abhorreat : qui enim egregie eam artem callet , in quovis argumento recte exercet . Jure igitur Auctor ab præcellentibus Viris appositis carminibus commendatur : atque , ut in lucem prodeant , omnino est comprobandum . Prostrid. Idus Nov. CIDICCXLVI.

*Jacobus Martorellius .*

*Attenta relatione Domini Revisoris Imprimatur . Datum Neap. ex Palat. Archiep. hac die 19. Novembris 1746.*

*Can. Giordano pro Ill. Domino Vic. Gen.*

*Canonicus Th. Rogerius pro Illustriss. Dom. Can. Dep.*

SIGNORE.

**P**ietro Palumbo pubblico Stampatore con suppliche es-  
pone alla M. V., come desidera dare alle stampe  
un Libro intitolato *Dominici Ludovici e Societate Jesu.  
Carmina, & Inscriptiones, Opus Posthumum*. Per tanto  
supplica V. M. a degnarsi di commetterne la revisione  
per ottenerne le solite licenze, e l' averà a grazia, ut  
Deus &c.

*Admodum Rev. D. Jacobus Martorelli in hac Regia  
Studiorum Universitate Professor revideat, & in scriptis  
referat. Neap. die 5. Mensis Martii 1746.*

*G. Galianus Archiep. Theſſal. Cappell. Major.*

**C**Armina *P. Dominici Ludovici S. J.* nativa atque incor-  
rupta Romani sermonis integritate conscripta τὸ  
συνδεδεσμένον καὶ τὸ ἑρμηνεύον, duo præcipua ornamenta, quæ poe-  
ticæ dictioni sapientissimi viri inesse volunt, ubique  
præferunt; & miratus sum illum reipsa euncta sapien-  
ter scripsisse quæ cogitavit, & diligentissime cogitasse  
quæ scripsit, uti de duumviris Tibullo & Propertio Mu-  
retus scivit; quæ sollemnis est laus Societatis Viris, qui  
poeticam elegantiam atque eruditionem operibus num-  
quam interituris commendarunt. Minime vero refugien-  
da est horum Carminum ἑκδοσις, cum regalis juris nulla  
in iis mentio; & mores bonos ubique adolescentibus in-  
culcent; & futura sint omnibus qui poeticen colunt longe  
gratissima. A. d. III. Idus Novemb. CIDICCXLVI.

*Jacobus Martorellius  
Græcæ Linguae Interpres Regius.*

Die

